

輝縣志

卷七
卷九

第肆册



輝縣志卷七

輝縣知縣黔筑周際華石藩纂修

渠田志

泉源

〔百泉〕在縣西北七里爲衛水之源引以灌田其利甚溥由縣西南南雲門流入新鄉界隗村營歸於丹河

〔蓮花泉〕在縣西五里其源發於小營由中曠南合萬泉至南雲門流入衛河灌田十餘頃計長十里

〔卓水泉〕在縣西八里其源發於卓水村由分水橋九聖營南流合萬泉至南雲門入衛河計長十四里

〔萬泉〕發源於卓水村西由朱家橋九聖營南流合卓水

泉由北雲門中噴南流合蓮花泉至南雲門入衛河計長十四里

白沙泉在萬泉東河憲嵇公開大之與萬泉合而爲一同入衛河

清暉泉在縣西十里爲分巡河北道馬駢雲守衛時所鑿灌田十餘頃邑人築亭立石總河王士俊顏之曰清暉並爲之記

丁公泉在縣西五十餘里由王家海王武莊葦園橋孟渰胡村至北流橋東南歸於丹河計長四十一里

張泉在張泉河村東下流與丁公泉合

蕉泉在縣西六十里發源於蕉泉營與丁公泉張泉合

而爲一卽北流河之上源下入丹河計長五十二里
清濂泉在縣西南四十里南流村繞村南流折而東注
與北流河會

清水泉卽梅竹泉在縣西南六十里其泉發源於山陽
村由魯家莊李千戶營母豬營蔣家莊南流至豐城經
獲嘉縣界歸入丹河寬五六尺深三四尺不等灌田數
十頃計長四十里

重泉在縣西南六十里其源發於魯家莊由重泉村李
千戶營裴村營肖呂村南流合清水泉至豐城入獲嘉
縣界歸入丹河寬五六尺深二三尺不等計長四十一
里

黃龍泉在褚邱東北一里許下流經姚村聶家橋孟渰

等村灌田三十餘頃至胡村店橋西入北流河

崔華採訪

龍頭泉在縣西南七十里王展村南灌田十餘頃

李蘭葉採訪

訪

河渠

衛河卽百泉之水自縣西而南流至新鄉縣合河鎮入

丹河河寬七八尺至一丈不等深五六尺不等康熙三

十年巡撫閻興邦題准於每年三月初一日起至五月

十五日止令三日放水濟運一日塞口灌田但五月條

民間需水之時應用竹絡裝石堵口使大流濟運餘水

灌田旣以濟漕亦無妨於農業雍正五年等事何國

條陳輝縣五閘偷水灌田有防濇道奏准拆去五閘在
河源高處建立三斗門聽水分流中斗門水用以濟漕
兩旁斗門共分一半另於大河兩岸各開小河建立小
閘灌田奉

旨同御史劉 總河嵇 總督田在百泉清暉閣上宣

旨五閘之民咸集因聞拆去舊閘等語眾百姓同聲稟曰河身
低下兩岸甚高雖以斗門分水爾大水奔趨河身兩岸
之水將隨之俱下雖另建十閘終歸無益康熙年間曾
奉

恩旨衛水濟漕兼不悞民田灌溉懇乞大人詳察田大人細問
百姓齊應聲曰種一畝地納三畝地糧本爲水田膏腴

多有出息今禁阻不許用水顆粒無收民命安能存活
今所云拆去五閘另於兩岸別建十閘但兩岸俱在高
處無論兩旁小斗門之水不能分往邊河縱有涓滴而
水性就下亦終滲漏於大河恐徒耗帑金君民兩受其
害大人爲國爲民乞爲小民陳奏下情將稻田減去重
賦情愿仍種旱田誰肯捐生偷水兼可省此帑金田大
人對同列云予向亦疑百姓偷水之非誰知民間有如
此苦顧謂

欽差此五閘似不宜更拆俟小閘建就再行酌奪及其落成全
然無水故舊閘得以仍存

〔三渡河〕在縣西五里卽百泉之支流也昔人引水以灌

稻田仍入衛河

峪河繞縣南境計長七十里其源發於山西省流入輝境至峪河口內瀆爲三潭一名黑龍一名白龍一名二女三潭下流由老孟莊王敬屯卧狼岡趙宿屯包公廟大屯通濟橋張家莊入獲嘉縣界歸入丹河水清而迅遇旱則壅以灌田但秋夏山水暴發河不能容往往有漲溢之害

〔北流河〕卽焦泉張泉丁公泉之合流水渾而多沙灌稻田數十頃秋夏山水暴發武夷口鳴子口之水併入其中往往泛溢

〔溫玉河〕在縣西南七里河久淤塞秋夏水暴發民田衝

沒明知縣聶良杞躬爲相度自胡家橋至劉家莊約七
里許開地百餘頃

老高坡渠在縣西南十五里地可種稻舊未有引水之
渠卽旱地亦鮮有秋萬歷戊寅知縣聶良杞爲之經畫
自姚固村枯河至苗固村創開河渠一道水通石河磨
仍歸枯河灌田十餘頃

花木村渠在老高坡東舊有渠接姚固村枯河亦通九
聖營河積年淤塞爲患萬歷戊寅知縣聶良杞編夫疏
濬約十餘里灌田十餘頃

秀才莊新渠在縣南二十五里與姬家寨宋家灘穆家
莊凡城相連地本窪下秋水爲災荒蕪彌望萬歷戊寅

知縣聶良杞編夫給食創開新渠一道約十餘里引水入新鄉界歸於丹河計畧荒地百餘頃

魯家莊渠在縣西南七十里地衝關家河口歲有水患萬曆戊寅知縣聶良杞挑渠立閘引水灌田十餘頃

程村渠在縣西南五十里地多沮洳比歲不登萬曆丙子知縣聶良杞捐廉開渠縱橫凡五以疏洩之遂成良田百姓德之呼爲聶公渠亦若蘓堤云

洩水溝在縣東南自玉門關迤西稻田邊起東至新鄉縣交界大路口止長一千六百一丈寬三尺深六尺雍正七年知縣張鏐疏鑿

隄堰

斗門在馬家橋下卽仁字閘西邊雍正五年侍郎何國
琮奏准在百泉河源高處建立三斗門中深一丈一尺
闊一丈六尺以濟漕旁深一丈五寸東濶五尺四寸西
濶四尺五寸以溉田聽水分流復各建石岸防水洩漏
馬家橋上閘在縣西北五里百泉之南嘉靖乙巳知縣
郭淳創建大梁李濂有記今更名仁字閘

馬家橋下閘在上閘南嘉靖辛亥分守參議敖宗慶建
今更名義字閘

張家灣閘在縣西南二里參議敖公建萬歷癸酉知縣
張一通重修邑人李容莊有記今更名禮字閘

稻田所閘在縣西南五里嘉靖辛亥參議敖公建今更

名智字開 以上二閘萬歷七年知縣黃良杞重修
裴家閘在縣西南十里嘉靖乙未巡撫章煥建萬歷十
四年知縣盧大中重修今更名信字閘

按衡水發源蘓門山麓下趨最易瀆水之田屢患湮沒
自知縣郭淳始建上閘而分守少參敖公巡撫都御史
章公復建四閘壅水分田藝以秔稻蓋自是而邑之荒
蕪闕水利與地無沮洳之患民免賠糧之苦矣明萬歷
戊寅知縣聶良杞復慮五閘修理無法反於漕政有妨
乃建立條格刻石閘上遵奉戶部議單以時啟閉庶幾
官民兩便萬世可行四公之惠至今謳思不忘云
附錄復興水利咨詳文卷

衛輝府輝縣知縣滑彬爲

聖慮憂民甚切殘黎痛苦難申幸逢九鼎垂慈永戴萬年鴻庇
事康熙二十八年七月二十三日據本縣士民段上錦
雷發師等呈前事到縣據此該卑職看得輝縣沿勘刀
泉一帶水田自奉封板以來闔邑士民坐視膏腴之產
盡爲石田莫不輟耕嘆息幸蒙老大人軫念民瘼曲體
皇上愛恤窮黎之至意隨荷轉詳大老爺懇切詳盡業允定期
試驗水勢務須漕運民田雨無違礙萬姓歡騰不啻起
骨而肉之矣但去冬詳請之後卽邀俯允迄今尙未定
議本年仍屬拋荒今時屆深秋播麥之時又值漕船回
空之際尙不早爲請命則來年之種植難施人心皇鑒

是以士民段上錦等復有此呈請也伏望老大人亟救
民生速賜轉詳總河大老爺卽撥東昌河廳定期試驗
水勢果一涘之泉無關漕運之通塞五日之內得邀一
日放水救田則一邑士民之殘喘皆老大人有以生全
之也世沐高厚之仁焚頂當無既矣須至申者 奉本
府胡 併河糧廳曹 俱批仰候轉詳繳 蒙河道俞

批已批令衛河廳再行訂期探驗矣仍候河撫兩院批
行繳 蒙巡撫都察院閻 批仰候另咨總河部院檄

行東昌河廳遵照前咨緣由試驗詳奪仍候總河部院
批示錄報繳 隨蒙總河部院王 批昨准撫院咨文

現在檄飭訂期會勘試驗矣仰照另檄速行勘護通詳

報奪繳

河道俞森詳文 看得水之爲利上以濟漕下以灌田
誠足

國裕民之要務也第五六七月間田禾望澤糧艘盛行俱
屬需水之候使雨暘時若田旣霑足河亦無乾涸之虞
倘時雨不降泉流微細河旣淺阻而禾亦枯槁當此之
時濟漕灌田殆難兼善然就已成之法斟酌而變通之
又未嘗不交相利也如彰德府安陽縣引洹水而成萬
金渠衛輝府輝縣藉捌刀泉而建五閘自康熙二十三
年以前但資水以灌田而漕之通塞勿計也自康熙二
十五年前河憲靳 以衛河水勢微弱繕疏入告旋行

河撫兩憲會議於每年五六月之間萬金之渠封閉而水不許入搨刀之間啟板而水不許蓄其利全歸之漕此亦足

國之計勢不得不然也行之數年而前院諮訪利弊各該府縣詳請欲於此三月塞渠封板之時每於五日之中少寬一日之禁誠以此三月中田禾需水若無水則無禾無禾則無賦民習於昔年之成規故有司不得不詳請而通融之耳蒙憲批查屢行詳覆 撫憲咨商憲臺茲復蒙憲臺檄行查洹水之源起於何處寬深幾許搨刀泉之水是否不藉漕運仰見憲臺體

國勤民欲為漕運民生圖兩利之計也隨即遵行兩府確

查茲據各覆前來則洹水之源起於彰德府安陽縣之善應村北行又有珍珠泉合之又北行共長九十里而入衛河此洹水之本來也安陽爲附郭之邑由高平村引洹水入渠名爲萬金渠而洹水之入衛者寬三丈深三尺其流仍盛卽此渠灌田而繞行郡城仍流入洹水同歸衛河是則洹水本盛不因入渠而衰且由渠仍入於洹又非別爲一流而奪洹正派也輝縣之掬刀泉發源於蕪門山麓從地星泛其脈甚細滙爲一池潦不溢而旱亦不絕民田資其灌溉爲水無多故建五閘以蓄之至其下行三十里至合河鎮有丹河來會其流始大至於衛輝是名衛河衛河至淇縣而有淇水合之又至

彰德而有洹水合之故能迂迴曲折達於臨清是則衛
河固藉丹淇濟水而始盛掘刀之泉特衛河一勺灌田
有餘而濟漕不足也兩水之大概奉查如此惟是二十
五年奉行以來封板塞渠以濟漕糧而渠泉兩窮民田
雖遇亢旱禾將立槁不敢輕用此水但在消言漕則漕
爲重足

國之謀不容輕變而民田無收賦將焉出則灌田之策亦
不可忽所以權其大勢酌以兩全惟令安陽之渠封板
如故而但於四日之後啟板一日掘刀五開啟板如故
而但於四日之後下板一日合四日之水以濟漕兩資
一田之衆以灌田糧艘疏通民田沾溉

國計民生均有攸換且於昔年

皇上衛水濟漕兼不悞民田灌溉之

恩綸有合至於按期啟閉之餘或有私行作弊致悞漕運者嚴查指參究處則裕

國足民之道得而憲恩與此水長留天地矣本道遵奉確查既據兩府申詳未敢擅便理合備叙弁同河圖粘連原牌呈送恭候憲裁

巡撫都察院閣與邦咨文 據輝縣詳請更番驗試勘刀泉等因相應咨會貴部院賜檄東昌河廳知會各該府縣確驗定議據實通詳仍祈賜復施行

總河部院王新命咨文 照輝縣勘刀泉五閘之案

經本部院於四月內接准大咨當卽飭行管河道彰衛
二府安輝二縣遵照親勘更番驗試一面移覆貴院在
案嗣據輝縣詳稱應俟糧艘回空試驗隨經本部院批
令如詳俟糧艘回空試驗在案今准前因除檄飭東河
通判弁該道府縣一體遵照速行會勘更番驗試爰議
通詳貴院暨本部院會核外照准前因相應咨覆煩貴
院希卽檄飭管河道並彰衛二府安輝二縣一體遵照
施行

山東東昌府河廳隨遵河院憲檄知會於十月十五日
爲始每五日內放板濟漕四日閉板灌田一日更番二
次據東河廳回詳看得河南之拗刀泉萬金渠爲濟漕

之血脈大約水勢少長之日應卽放水濟漕之四日消
落之日應卽遏流灌田之一日等語衛輝府輝縣知縣
滑彬再詳爲

聖慮民甚切等事前奉大老爺諭令會同東昌河廳於衛河
出口處所探量水勢深淺隨令本縣典史何鎮往驗去
後據報於衛河交會處所探驗更番三次所報水勢尺
寸雖少有異同二三寸不等不過嚴冬水涸日有參差
考其時日並不關起閘之日而加深閉閘之日而卽淺
則拗刀泉一線之水無關運道之重輕可知而東昌河
廳並不會同一處探量聞與濟寧州州判許兆巖稱在
南水門外另自私行探驗竊思事關運道起見自應遵

奉大老爺於衛河交會糧艘通行之處細加詳勘方爲有據若南水門外多係淤泥瓦礫在平時亦無不淺阻者何足憑準且據所報逐日水勢從無差至尺許者何以獨南水門外竟差至尺許之多其間未便可信今止據衛河出口處所報淺深原非關於泉閘之啟閉現有報文可查如東昌河廳之詳覆全無一定內稱大約水少長之日想卽放水濟漕之四日消落之日想卽過流灌田之一日等語前奉大老爺牌諭務須持公速勘悉心遵行慎勿偏執已見游移混復之憲諭今乃不實據採量之尺寸與啟閉之時日而爲模糊揣度之詞偏執意見而反爲斷斷之說恐民生國計之重未便以大

約想像等語爲臆計可定也且與大老爺原行互異亦重負大老爺爲

國爲民與憲諭內所云酌改變通之至意矣况卑職亦

朝廷之一命豈有不思漕運所闕而漫爲舉動但五日之內止留一日之水無悞運道有益民田兩利俱存當亦憲仁所不惜爲民生請命者也今蒙牌諭會同妥議速詳茲東昌河廳業經詳覆在案爲此遵照議復伏候憲奪施行 蒙巡撫都察院閣 批仰候一併移咨總河部院會奪繳 蒙總河部院王 批本部院親勘臨清水勢業經專差濟寧衛守備李又隆親詣輝縣之捌刀泉五閘安陽之萬金渠驗看水勢在案矣仰候會勘明確

詳覆至日核奪繳 蒙河道俞 覆詳查看得彰屬安

陽之萬金渠及衛屬輝縣之搨刀泉其水道形勢與民

田需水情由備具前詳已蒙憲臺洞悉民艱矣止以前

撫憲咨據河北道議稱河北地方惟苦春旱伏秋間淫

雨澆旬不慮無水即萬一愆期亦可穀豆半收不比南

方專種稻田月月用雨等語今詳稱五六月之間民

田正需用水與前咨大相逕庭復行駁議務期有益於

田無悞於運且與原 題不悖仰見憲臺審慎周詳爲

國爲民至意遵卽行彰衛二府妥議茲據各覆前來查前

次河北道所議原從濟漕起見又適當伏秋多雨之年

故稱淫雨澆旬不慮無水萬一愆期亦可穀豆半收且

止從北方播種之大勢而言故稱不比南方專種稻田
月月用水也然使年年伏秋盡皆淫雨浹旬近水之地
並無播種稻田則亦何敢輕議通融乃今據兩府所詳
皆稱連年以來五六月之間天多亢旱霖雨全無對
此泉流不敢溉灌禾苗枯槁無救難望半收而衛輝又
稱鋤刀泉旁之田原倣江南開墾種稻糧倍尋常自禁
水後無水既不便種稻低窪又不宜豆穀年年包賠重
糧爲此詳請通融四月濟漕一日灌田庶旱乾可保無
虞是則前此所議止就多雨之天道而論今茲所詳並
從亢旱之受累而言實非遷庭乃以補前議之未逮耳
况使今日而必欲築不塞板不封則是止求益民無

漕運誠與原 題有悖今兩府所議止望俯允前詳於
此五六月之中四日濟漕一日灌田是田有益而運
無悞弁無更改前例與原 題無悖不過少爲通融而
於

國計民生均利伏乞憲臺妥酌咨明行令遵守爲蒼黎造
福無疆矣 蒙河南巡撫閻 仰候移咨總河部院檄
行東昌河廳遵照前咨緣由試驗詳奪仍候總河部院
批示錄報繳 蒙總河部院王 批昨准撫院咨文現
在檄飭訂期會勘驗試矣仰照另檄速行勘議通詳報
奪繳

河道俞森詳辯衛河水勢爲

聖慮憂民甚切殘黎痛苦難伸等事康熙二十九年正月十五

日蒙 總河部院王 批據本道呈詳濟運灌田緣由

蒙批封閉閘板事關具 題之案未便各執已見今本

部院擬於二月初旬前往臨清親行看驗俟看畢委員

協同各該廳縣驗試定奪仍候撫院批示并飭知各廳

縣遵照仍候轉飭東河廳檄等因詳批到道蒙此隨轉

飭彰衛二府廳縣遵照去後今於本年二月初三日據

東昌府河廳呈前事呈稱康熙二十八年十二月二十

二日蒙巡理河道加四級俞 憲票云云等因蒙此又

據臨清州知州詳稱云云等情到職據此該卑職查看

得河南之擲刀泉萬金渠等流為東省濟漕之血脈也

蒙議四日濟漕一日灌田兩者均關

國計民生轉移通融誠各憲爲

國爲民至意今遵憲行於十五日之內更番探驗大約水勢少長之日想卽放水濟漕之四日消落之日卽遏流灌田之一日也然四日之內水勢卽長亦不過三四寸而一日之中消涸幾及尺許由更番試驗之水推之則衛水一日閉塞卽淺阻數日濟運斷斷然也且查往例以五月初一日之後全流濟漕邇年三四月間因漕船雲集水勢微弱籲請各憲冀破成例借水輸漕卽衛水壘派北注猶以微細阻滯爲憂今若遵四日一日之議則數千餘艘漕運必因遏流礙阻定不能按期飛渡矣

事關漕運重大職係專司不得不將水勢利弊據實詳請等情於康熙二十八年十一月初八日通詳總河部院河南撫院并關會彰衛二府廳在案今蒙前因擬合呈報等情到道據此該本道查看得濟漕灌田一案昔年欽奉

聖旨便有運道民田均關緊要何以使衛水濟漕兼不悞民田灌溉等語憲臺欽奉前

旨所以去年有協探水勢之行奉行者自當仰體愛民盛心庶於煌煌

天語無所違悖乃東昌管河魯通判去年所報謂豫省委員不肯向南水門外驗探以爲南水門外係衛河出口之處

探驗足憑及本道就所報衛河水勢與豫省委員所
水勢逐日比對則衛河水淺之日運河反深衛河水深
之日運河反淺可知衛河出口之消長無關運河之淺
深本道於去歲已經詳明憲臺毋庸另贅今查該廳文
內又謂四日之內水勢卽長亦不過三四寸而一日之
中消涸尺許等語去年未據該廳詳到故未辯及此今
敢爲憲臺陳之查該廳所報南水門外十九日二尺五
寸二十四日二尺五寸二十九日二尺四寸此三日者
乃該廳所謂消落之日也然惟有十八日三尺五寸十
九日二尺五寸此誠消長一尺矣其後如二十三日三
尺三寸二十四日二尺五寸二十八日三尺而二十九

日二尺四寸此可謂消涸尺許乎至若十九日二尺五寸二十日便長至三尺二十四日二尺五寸二十五日便長三尺二寸二十九日二尺四寸三十日便長三尺六寸此可謂水勢卽長亦不過三四寸乎所報尺寸自相矛盾其背謬也明矣其實酌定水勢必以衛河出口之數與運河深淺之數按日查比是日也衛河淺運河亦從而淺衛河深運河亦從而深則信乎羈阻漕船萬無可通融灌田之理今查所謂消落之三日如十九日衛河出口二尺五寸而南灣與臨清板閘口皆四尺四寸二十四日衛河出口二尺五寸而南灣臨清板閘口皆三尺四寸二十九日衛河出口二尺四寸而南灣四

尺臨清板閘口四尺可謂衛河之消長有關於運河之深淺乎可謂衛流一日閉閘卽羈阻數日漕運乎總之該廳未詳水勢未思至理其意止知重漕而不知上憲何嘗不重漕惟重漕之中而兼論民正以仰符

天語不似該廳徒因漕而病隣也且試思衛水盡放始可通漕則衛水多一寸而運河亦多一寸衛水多一尺而運河亦多一尺何以衛深而運淺衛淺而運反深耶此其病非東省運道淤塞卽下流之開座全無若不於此思久長切當之計而惟欲盡放衛河是以豫省有用之水消歸無用之地此亦堪爲深惜者也今幸憲臺洞悉民艱忘其威重躬臨驗勘溯其源流酌其形勢而斟酌通融於

濟漕之中兼爲灌田之策豫省窮民沾憲澤而戴

皇恩有日矣惟恐東省河官意見未化止知濟漕曲說求勝故

復就該廳申報細爲詳辯仰實憲聽事關漕運民田務

求兩利本道未敢擅便伏候憲裁 蒙巡撫都察院閫

批仰候總河部院會奪具題該道仍催彰衛二府速詳

報繳 又蒙批縣詳仰管河道卽將輝縣擲刀泉封板

濟漕四日閉板灌田一日既經會同更番試驗三次報

有逐日水勢尺寸但其河道是否深通無悞漕運有裨

民田作速遵照前批三日內確議通詳立等移咨會奪

毋得玩延仍候總河部院批示繳 蒙總河部院王

批封閉閘板事關具題之案未便各執已見今六部院

擬於二月初旬前往臨清親行看驗俟看畢委員協同各該縣驗試定奪仍候撫部院批示並飭知各廳縣遵照乃候轉飭東河廳繳 又蒙批縣詳該縣中同前事仰管河道遵照本部院批示該道詳內緣由轉飭該縣遵照繳

雲門堰在縣西南十五里雲門社當衛水下流地本卑濕舊有稻田歲久溝塍湮廢每遇秋淋禾盡湮沒嘉靖甲申知縣許瑄乃疏浚築導萬泉之水自丸壑營引入其地悉復故跡遂成沃壤教諭金廷貴有記乾隆五十八年知縣高上桂因秀才莊北雲門二村爭水灌田經上憲委員會勘立定章程刊刻碑記永杜爭端遺北

六年知縣屠慶華督率二村夫力重鑿之泉水
控遂止立有碑記

〔稻田所堰〕自百泉之西分流南注爲三渡河下至雲門
約十五里皆昔稅稻地後爲霖潦淤塞漸至荒廢嘉靖
乙巳知縣郭淳捐度原隰經畫修復渠廣一丈深半之
詳見李謙記

〔沙堰〕在縣西十餘里善明村西引筍谿之水以資灌溉
土疏水猛歲歲築之民雖賴其利而爲力甚勞萬歷十
四年知縣盧大中創易以石

〔土堰〕在縣西五十里丁公泉之下流王家海王武莊明
家崗壅水以灌稻田

紅石堰在縣西七十里峪河口向遇山水暴發湮沒民田道光十二年知縣周際華倡修石堰峪河諸村得以無害

河夫

百泉河夫現存七十二名每名得地六十頃每頃銀六分俱係民收並非官發工食雍正十一年知縣趙仔敦九路通詳各憲有案碑在東司都龍王廟前

附錄詳文及蠲免永免碑記

輝縣知縣趙仔敦 爲詳明事雍正十二年二月初五日蒙本府票二月初二日蒙河北分守道票正月二十五日准布政司咨正月十二日 蒙總督河南山東等

處地方軍務督理營田兼理河道兵部右侍郎兼都察院右副都御史紀錄八次王 批據前司會呈查得輝縣百泉河夫並看閘夫役應給工食銀兩一案詳蒙本部院批飭令該縣議定成規明白通詳等因茲行據輝縣知縣趙仔敦覆稱會同合邑士民將地畝通盤核算共計旱地四千四百一十頃零水地一百三十二頃零令旱地人戶出給河夫工食水地之家出給閘夫工食在水地全資灌溉閘夫工食既倍於河夫應免其再出河夫銀兩水地每頃出銀六分按河夫七十一名核算每名每年應給工食三兩七錢水地每頃出銀三錢按閘夫五名核算每名每年應給工食銀七兩九錢各地

戶內有情願自乞河夫者聽其本身供役不聽
出銀僱夫百泉之水上關濟運下灌民田每年淤
草使水暢流利涉執役之日甚多非可臨時僱覓
長養爲便等情由衛輝府轉詳前來本司道覆核無異相
應會詳轉報伏候本部院鑒奪批示等情蒙批如詳轉
飭遵照勒石永遵不許額外稍有私派擾累如違詳究
取碑摹送查仍候總河部院批示另冊候移撫部院衙
門備案繳等因批司咨遵行府轉行到縣蒙此又於雍
正十二年二月十五日蒙本府票二月十一日蒙河南
布政使司票二月初四日蒙總督河南山東河道提督
軍務都察院僉都御史加二級紀錄十次朱批前司

會呈前事業批仰候 部院批示飭遵具報緣等因俱
批到司行府轉行到縣蒙此除卽勒石百泉永禁並將
碑摹具文徑送督部院撫部院總河部院布政司河北
道備查外合將遵照緣由備勒永誌不忘雍正十二年
三月

獨豁黃河夫役碑 康熙元年二月二十八日蒙本府
信票爲緊急險工刻難遲緩事蒙管河道勘憲票蒙總
河部院未憲票前事備行到府票仰本縣官吏照票備
蒙憲票內事理文到刻下卽將該縣夫數分爲三分火
速先解二分並且該縣河夫內不敢隱匿逃人甘結一
樣二本無分兩夜差人解府轉道批發各工立等備

應用先將夫役起工日期星飛報府立等報道轉報如
敢再遲除經承嚴拿解究外卽指名揭報定以遲誤

欽工

參處决不稍寬須票衛輝府輝縣知縣爲懇恩詳諮河夫

以滋濟運以起重累事據閩縣民王可聘等稟前事又
據本縣儒學廩增附生員馬之奇等連名合請爲懇乞
天恩垂憐重苦以救殘黎事該輝縣知縣趙蔭奇看得
潁縣百泉乃衛河之源也每歲春初力爲挑濬自源頭
而抵交界約有四十餘里兩河隄岸冲决者修築完固
壅澁者挑挖疏通更苦夏秋陡雨山水冲淤泉源壅塞
勢必再爲挑濬何敢稍緩片時每年需用夫役不下數
千今年倍甚並無額設錢糧亦無鄰封協濟盡屬一邑

民力今二月十五日業已開工漕艘刻期北上需水濟
運正在斯時亦係軍國重務遵蒙憲檄派出河夫呈老
鄉民故有此控但黃河夫役原有分土工價未嘗虧苦
於民合無將此工價就近覓工惟容輝縣里夫專力衛
源挑濬均是

朝廷之赤子並爲漕運之要工伏乞憲臺軫念殘疲俯賜同
仁准從恩豁庶力役之徵無重困而漕河之賴有專工
矣緣係懇恩詳豁河夫事理應否出自上裁非卑職所
敢擅專也等情申詳到府備申本道轉詳總河部院奉
蒙批該縣原有泉河工程人夫姑准留役此外是否不
致比例混請豁免仰行該府取具甘結報院速速

永免黃河夫役碑記 縣邑有百泉乃運河發源之地

也自源頭抵運河交界四十餘里每年修築隄岸挑挖

淤塞舊例額設河夫七十二名續修斗門設隄夫十名

俱屬本邑人民輸流支應並無錢糧亦無隣封協濟故

自康熙元年蒙總河部院朱票提黃河夫役蒙縣主趙

據請詳免蒙准永免黃河夫役留專修衛源立有碑記

載在邑志不意於乾隆十六年陰雨連綿黃河漲溢衝

決陽武縣申家灘隄口需用人夫物料甚急奉河北道

胡雅布政司咨巡撫部院札諭陽工浩大夫役不敷應

用又派本邑人夫物料若干行縣派撥本邑士民踴躍

急公俱已照數供用未敢推諉嗣因陽工告竣供應已

畢竊恐黃河夫役撥派揮民又咸定例屬邑士民某等
具呈河北道憲祈仍照康熙元年舊例專修衛源永免
黃河夫役懇恩轉詳定案蒙批陽工漫溢爲數十年來
僅有之事爾等出夫辦料無悞俱見馴順奉公今大功
已奏合龍從此永慶安瀾不復再煩夫料之供矣無庸
詳免各歸安業可也謹奉憲批但未有明示永免黃河
夫役之語合邑紳士某等又再陳重役苦情懇恩准定
例以便遵行一詞內稱去年十一月紳士某等歷叙情
由備錄碑誌懇懇超釋等詞具稟蒙批各歸安業在案
所苦者陽工爲數十年僅有之事衛源百泉乃每歲必
興之工現今別縣人民已各安業而衛源衆工及將

動誰爲代替輝民偏苦旣不敢白於急主之前又不
明於工成之後普情何以上達爲此公陳偏苦下情即
祈憲恩矜恤金批定例永留夫役專修衛源永爲定例
敬奉金批士民戴德故將始終備細爲文勒石以垂不
朽云

輝縣志卷八

輝縣知縣黔筑周際華石藩纂修

學校志

學宮

輝邑有學有廟初建遠不可考元至元丙子知州司仁
重修費幾萬緡壯麗甲他邑越國十六年至治壬戌知
州田良輔重建大門州同知王公儀撰文記石又十年
至順壬申同知彭嗣祖重修明洪武丙辰主簿徐文重
修天順戊寅知縣王傑重建 大成殿宏治乙卯知縣
李琮重修始爲櫺星門提學車璽撰記乙卯知縣劉玉
繼修嘉靖戊子知縣張天真修葺嗣後廟漸頽敝丁巳

河北道陰標撤舊大新之知縣李憑相工副使蔡國熙
撰記隆慶四年知縣王貞修建名宦鄉賢二祠萬歷戊
寅知縣聶良杞丙戌知縣盧大中續葺

國朝順治九年御史王亮教捐俸重修撰記勒石十二年
教諭朱頌祿重修翰林宮允王紫綬撰記康熙十九年
訓導孔印恒捐金任勞重修 大成殿兩廡及四週牆
垣三十六年知縣喻良臣重修

先師殿並兩廡大成門名宦鄉賢二祠記石雍正六年知縣
張鏐始建忠義孝弟祠乾隆十二年知縣王孚補修大
成門十五年知縣高雋飛重修奎光樓二十一年知縣

文兆奭重修

先師殿及兩廡鄉賢忠孝節義各祠五十九年知縣高上桂勸捐重建又於大成門外創修東西官廳各三楹移忠義孝弟神位配享鄉賢祠撰記勒石道光四年教諭郭士冠訓導璩輝補修十四年又加修葺

至聖先師殿五楹

東西兩廡各九間其兩端爲神廚神庫祭酒祭帛所

大成門三間兩角門各一間

泮池在大成門前跨以石橋

櫺星門在泮池前以石爲之

照壁在櫺星門前兩端各有門

名宦祠三間在大成門左南向

鄉賢祠三間在大成門右南向

忠義孝弟祠三間舊在名宦祠前南向久廢

文昌祠在櫺星門東又一在古城外東南隅詳見祠祀

奎光樓與文昌祠同閣樓北舊有宰牲堂久廢

崇聖祠舊在文廟東北隅萬歷四十五年土簿謚曾傳

重修明季傾敝

國初因時雨堂五間改爲祠教諭朱頒祿重修乾隆十八年知縣文兆爽繼修五十九年知縣高上桂重建道光四年教諭郭士冠訓導璩輝補修十四年續修

敬一亭舊在明倫堂前萬歷癸巳知縣紀雲鶴移建明

倫堂後

國朝乾隆五十九年知縣高上桂重修道光四年教諭郭士冠訓導璩輝補修十四年續修

學署

明倫堂五間堂之前東爲進德齋西爲修業齋辦事房

四間

久廢

教諭劉揆敘建大門三間

舊係敬一亭明萬曆癸巳知縣紀雲鶴移

建敬一亭於明倫堂後

兩旁角門各一間外有東西兩門東曰義

路西曰禮門乾隆十七年邑令文兆奭修葺五十九年

知縣高上桂重建

時雨堂五間在敬一亭後今爲崇聖祠

教諭宅在明倫堂右大門一間二堂三間堂東二門一

間南書房三間馬房一間北爲內宅門一間正房三間

東房三間西房二間順治十六年邑令趙蔭奇創建道光元年教諭郭士冠補修

〔訓導宅〕在教諭宅南嘉慶二十四年舊宇全圯訓導璩輝重建大門一間二堂三間堂左爲二門內書房二間茶房二間堂右馬房一間北爲內宅正房五間東房三間西房三間宅西有菜圃

〔儒學門〕在櫺星門右南臨大街明志載北行數十步有亭亭內石刻大書進士第三字今亭圯碑移置明倫堂大門壁上

〔射圃〕在儒學西

久廢

學基坐落縣治西東至南北大街西至察院南至東西

大街北至後街四面方整 文庫書齋齋舍屬俱在
其中共地二十畝許除學宮學署外所開地基民人蓋
房賃住由儒學徵租

學田坐落新鄉縣西北窰場 輝縣北關村北 寨子

莊西南 荒家莊北 孫村北 野雞衝以上教諭管理 南

關村西 郭雷 中曠東 三里屯東以上訓導管理 又郭

家村西南 盆窰溝以上兩學均管

以上十二處共地八頃五十畝每年由儒學徵租銀一

千二兩六錢徑解學院發贖用

學宮書籍

御製錢名世詩二冊 雍正四年頒

上諭一冊 雍正六年頒

聖諭廣訓直講一冊

上諭二十四冊 以上雍正七年頒

御製平定青海告成大學碑文一通 雍正十年頒

上諭一冊 雍正十一年頒

欽定學政全書一部 乾隆元年頒

大清律例一部 乾隆五年頒

欽定四書文一部 明史一部

上諭十冊 以上乾隆六年頒

御纂周易折衷兩部

欽定書經傳說彙纂二部

欽定詩經傳說彙纂二部

欽定春秋傳說彙纂二部

大清律例校正各條一冊

大清律續纂條例一部

欽定性理精義二部 以上乾隆六年頒

御批資治通鑑綱目一部

御撰資治通鑑綱目三編四冊 以上乾隆十一年頒

上諭清漢字各一冊 乾隆十四年頒

御製平定金川告成大學碑文一通 乾隆十九年頒

欽定大清通禮一部 道光五年頒

歲試入文武生各十二名 科試入文生十二名

軍系示

學校

學署

五

廩生二十名 增廣生二十名

送學 每學政歲科試新生紅案到學之後知縣示各生送學日期至期各生詣縣署集賓賓館知縣公服陞堂各生由東角門進至簷下行庭參禮畢各生依次列座禮書分賜花紅酌酒三巡畢各生面北三揖具鼓樂由中門出知縣親送至 文廟殿階下率諸生行三跪九叩禮畢請明倫堂宣讀

訓飭士子文知縣教官行交拜禮諸生拜師兩拜謝知縣兩拜入坐行酒數巡肅揖而退

賓興 每大比之歲七月初旬本縣預治優觴架彩橋卜吉具啟延致貢監生員至期詣縣堂各生見縣官

官各向上打三躬畢卽席縣官居右席教官居左席諸生依次東西列坐酒三巡具鼓樂由中門導諸生登彩橋俊人簪花諸生俱往城東南文昌閣俟教官縣官到率諸生行三跪九叩禮禮畢卽席如縣堂儀酒三巡諸生揖謝而退

書院

義學附

百泉書院舊在縣西五里蘇門山麓百泉之左卽太極書院始於宋元至明成化十七年壬寅提學僉事吳伯通知府張謙創建叅政吳節有記後廣陽軍璽濟南王勅相繼重修正德庚辰御史汪淵檄知府翟鵬知縣李傑增修嘉靖癸丑隆慶戊辰霍冀楊家相先後修葺萬

歷九年奉例拆廢十二年署縣事本府推官龍德孚始
議興復知府周思宸知縣盧大中同修內有先賢祠
三間在書院儀門左南向舊祀邵許姚三先生繼而議
者謂學當以濂洛關閩爲的並祀周子二程子張子司
馬溫公朱子南軒張子東萊呂氏以姚竇二公配享每
歲春秋二仲月上辛日致祭取自新之義宏治戊午提
學車璽改爲聖廟中設

先師像移十賢列座隆慶壬申巡撫栗永祿增祀四配十哲
萬歷戊寅知縣譚良杞建議釐正仍改爲先賢祠崇禎
壬午汴梁遭寇變決水沒城致罷鄉試次年癸未議補
科旨允暫移科場於河朔時邑令郁英以百泉書院

於御史蘇京因建爲貢院

國朝順治乙酉丙戌戊子辛卯甲午丁酉共歷六科至十
六年己亥御史李粹然會疏請復貢舉於汴梁有司議
拆書院運汴知府程啟朱力陳原係書院舊基非創建
者比遂免拆巡撫賈漢復修復之康熙二十二年知府
金雲鳳移檄六屬捐金重修添設東西號坊兩座各五
間前後廳堂俱重修爲歲科二試考棚雍正三年考棚
移衛郡書院基宇仍存乾隆七年撫憲雅爾圖檄藩司
趙城重修

敷教堂五間

貢院名至公堂前有明遠樓一座再前爲文星臺三間

堂左右齋舍

各五十間東西號房六十楹內號門各一間

貢院添設舍東西各

三間考補添號
房東西各五間堂後過庭六間聖敬堂五間又名五星

堂貢院名中堂西有周程專祠三間久廢堂後藏書閣三間

貢院為監臨堂閣前中有石池跨以石橋植蓮於中御史楊兩家相建

旁仰止亭俯泉亭各一座閣後為思賢亭原在藏書閣前又移閣後

書院最深處大門左右為官廳正廳三間茶房三間門樓一

間康熙二十三年知縣金廷夏建乾隆十五年改為

萬壽行宮

詳見聖蹟道光六年知縣周際華捐俸移置城內並立學

約十條有文記石

立本堂三間東西齋房各三間堂左齋房三間堂右齋

房三間偏西齋房三間南齋房九間後講堂三間東院

寢房二間堂西寢房三間東西房各三間南房八間

門內屏門一座大門一間門旁耳房二間大門外東西坊牌各一座

學約十條

一立學 學於古訓乃有獲學者教也教爲父子教爲君臣教爲長幼夫婦朋友全要在五倫上用功因自己未能知道愛取古聖賢作個樣子照着樣子教去始而費力久後也就自然了如忠孝節義古人事蹟多端教其處常如何處變又如何無大無小悉具胸中然後將我之所以言行者證之果有會心斯爲實學若徒讀其書而不明其義知其事而不能師其行縱考掘精詳文章燦爛其於學相去遠矣故學者先問我所學何事

一立教 傳道授業解惑之謂教教者必先明乎道之所由修業之所由戒惑之所由辨然後以其所得使人各得庶幾乎師道立而善人多也今之學者大則爲科名起見小則爲溫飽是圖耳無所謂道無所謂業終其身於狂惑之途而又以其所惑到處惑人外惑生徒內惑子孫修身立命之旨不聞講說日以其庸俗不可耐之八股文私相傳染牢不可破是自誤而因以誤人也百泉舊爲先儒講學之地闕其所講有如諸生之所謂私傳八股文否乎諸生收視返聽能潛心於尊德性道問學兩端則山水之靈必富發祥於儒者豈姚許趙竇而後遂不復有達人哉予日望之矣

一立志 學記云士先志凡事必要立定主意站定腳跟敲定牙關做去事方有成若見異思遷或委靡不振到底一事無成譬如欲行千里立定心腸要走日復一日終有到時若一日不走便一日不到此亦專理之至明者矣故大學首重知止乃能得止總視乎志之定不定耳諸生讀古人書便要志在古人看準了那一條路是我當走的卽竭力以赴那一條路是我不當走的卽死心不爲諺云有志者事竟成切莫把念頭錯過

一立身 人莫不愛身幸而得爲讀書人是何等身分此便要自愛了故內而格致誠正外而齊治均平皆以一身任之若把此身看輕了便可無所不爲而心思骸

骨皆爲無用豈止無用已哉必將敗度敗禮以速戾於厥身是不如不有此身之爲愈矣吾身能爲聖賢豈不甚好卽不能到聖賢地位斷不可流於不肖故愛身爲學人第一要務諸生能看得此身甚重然後事業可圖否則罔之生也幸而免耳豈不危哉

一立品 士君子立品宜高取法乃大所謂正其誼不謀其利明其道不計其功其立品者峻也彼卑污之習聲色貨利之謀醜聲穢行爲鬼爲蜮是爲敗類衣冠中豈宜有此旣爲士人卽宜從氣節上用心氣節可伸雖貧賤何辱雖富貴何榮卓然如蒼松翠竹經歲寒而不變乃爲可貴孟子曰人有不爲也而後可以有爲可知

品之所在光明磊落當不似齷齪寒酸矣

一立德 孔子曰據於德訓行道而有得於心之謂此事原不是高遠難行的只要在人生日用間隨處體貼如吾事吾親能盡一點心能出一點力便是一點孝自大本大原之地以至於一言一動之微推而廣之無所不實則德已無所不具矣讀書人不從己身上積德每見聖賢行事竟以爲非我所能道之不明何問乎德德之不立何所爲據諸生能於家常行習問事事物物逐處講求先明乎道乃可蓄德事業文章何所施而不顧也

一立功 儒者有道德而後有事功事功根於道德非

矜言才氣馳逐榮華之謂也。生人際遇各殊，莫不各有當爲之事，卽莫不有當盡之功。幸而得志於時，則爲相爲卿，功在天下等而下之一官一邑，各隨其職分之所爲，皆可以展吾抱負。卽不幸山林終老，無所發揮，而遇事程材亦足以成人善俗。如漢之王彥方、陳太邱輩，儀型鄉里，薰其德皆爲善良，非儒者功耶？處士純盜虛聲，願先生宏此遠謨，是不可無立功之願。

一立言 言以闡道，古來載籍極博，必其道明於心，見於行而後發於言也。取士以制藝，將以其言驗其所識。與其所行耳，非徒摭拾陳言，敲金戛玉，襲取聲調，掠影浮光，僅僅焉爲博青紫計也。學者作文，原是藉題發揮。

各抒底蘊若先不明其理必言之無物

朝廷三年考核比得一士卽以爲服官之選豈可以蕪味之談違心之論與人家國事哉諸生有志爲文宜取古人立言之旨而深味之然後味乎其言而言其不朽也夫德行本也文藝末也求其本末知所先後可與入德矣豈徒掇科第已哉

一立名 聲聞過情君子所恥蓋無其實而榮其名實足爲士行之累耳然歿沒世而名不稱其又謂之何也彼甘心廢棄之流見事則憇其或堅僻成性又故與世違者無不托名高潔以遂其偷惰忤逆之私不知好高潔亦名也而卒未嘗高且潔焉其亦適成爲無用之名

而已矣况至於不顧其名又豈止於無用耶果其立志爲人當必有奮發於中而日章於外者故君子原無近名之心而不可無立名之道

一立誠 所謂誠其意者毋自欺也這是人間生死關頭誠則爲人不誠則爲鬼誠偽之辨敬肆之所由分即人禽之所由判也是以君子慎之孔子曰謹曰信曰忠曰敬千言萬語總是要學人矢一片誠心心信得過方可爲人若自問先不自信又何以求信於人乎天地之誠於物之可見驗之聖賢之誠於人所不見基之始於一心而成於萬事忍於一少而積之終身稍有欺罔魂夢難安矣學者曷自思之

附錄明知縣聶良杞學約六條

一立志 蓋聞士貴有志自昔言之匪志則有爲無成
安望遠大諸友儼然章服亦旣以儒者稱矣當念國家
之所以作養我者謂何而徒竊糟粕備員數以至於泯
沒無聞安在其爲作養也故願諸友之立志也勉自策
奮仰企前修處則鴻儒出則碩輔卽窮達有命而立志
常在于勿之上如此則何事不濟何往不達不然優游
自棄徒令白首興悲不可不省

一虛心 蓋聞獨學則寡聞士之所以貴有會也會而
不能自虛以取善雖會矣補古人有點竄一字而巽然
稱謝至語爲一字師者此獨何心哉故初學當資老成

而益出新奇老成當訓初學而間有不逮務宜彼此相
下各成麗澤勿以小成自益勿以直言懷愧勿以套語
相諛每會數篇各集衆長以成全美卽數篇之益也如
或醇疵由之漫不改圖雖日成百篇無益矣又安所事
於會

一勵勤 夫業廣惟勤天下事未有不勤而成者也古
人有寢懷鉛筆寤誦詩書帶經而鋤炊葉而讀者矣而
卒不負其勤士亦何樂於惰也故願諸友之務勤也經
書子史勉力青燈日就月將無間久暫勿以外物自撓
勿以多愁自昏勿悻悻然一時而憤憤於異日如是而
縱橫百家翱翔六藝學力斯充青紫可拾矣不然而悠

悠歲月落窳窮廬困而後省又將安及

一辨文 今制以時文取士取其代聖賢立言也諸友

毓秀蘇門豈無偉作而其間俚語陳言粗枝大葉漫與

本旨不相涉者往往有之甚則章句未成音韻不叶卽

童子之語不逮者如是而尙可言文也諸士自此爲文

之期精瑩辭期古雅意期渾融義期闔洽雖各自爲家

而要之泛言剿說鄙俚艱深諸爲文害者務力去之則

善矣猶有說焉欲學爲吏視已成事近科元魁試卷非

時藝之已成事耶諸友宜潛心焉勿俟衡文者贅也

一刻期 有司治吏事所謂簿書期會者謂以此相稽

覈時刻不爽蓋隨時考成之制也諸友文會非吏事比

而漫不稽覈何以別勤惰而示勸懲今與諸友約月爲會者三會之日以五人授課本一冊每會錄完本學類送以憑品第其前列數人量給筆墨示勸若最不用心潦草塞責者送本學量責示懲倘無故不至者一會再會姑記三會請不與焉至命題給食有司主之諸友無預

一飭行 前數條以舉業相告勉蓋以此會本爲舉業

也而士人以行檢爲第一義行之不飭則雖奮金碧之文竊通顯之路徒爲國家一蠹物耳安所用之諸友生長名邦類多禮義自守蔚乎君子之林而有司者過慮恐亦有驕傲成風間里側目者剛復自肆庭闈寡恩者

有日事酒卮混迹併優者有餌微賄而屈膝公庭者訖如此類不能盡舉願諸友痛懲而力去之期爲無瑕之璧斯士之所以自立而窮達由之矣此在國朝臥碑督學條約詔告丁寧固昭昭也敢以瀆於終篇慎勿試之曰常談

近聖書院在訓導宅南教諭張止慎創置以致仕未能觀成其地一畝六分四面方整錢糧八分八釐漕米一升九合

李公書院在百泉清暉閣南知縣喻良臣爲巡撫李國亮建邑人孟發祥有記後改李公祠

碑記移置城內書院

喻公書院在百泉水渙知縣喻良臣捐立邑人孟發祥

有記

今廢

泉西書院在桃竹園東南知縣何文燿捐立今廢碑記移

置城內書院

義學

附

城內社學在學署前路南有養蒙堂三間門樓一間嘉

靖四年提學副使蕭鳳鳴檄知縣許瑄創建久廢舊基現

存儒學經管

國朝道光七年知縣周際華移置南新街觀音堂內有記

東關社學在大街路北高子祠內道光七年知縣周

際華重立有記

西關社學在大街路北南至街北至蘇東至蘇西至朱

今舊基現存道光七年知縣周際華重立一在崔府君廟有記一在南街路西東西屋四間門一間南至路北至柳東至街西至簷後紳士捐置

南關社學在大街路北嘉慶二十四年知縣楊炳堃倡修有記道光七年知縣周際華移置中路柴市堂有記三里屯社學在三官廟內道光十四年生員劉光第牛泰公立

固園村社學舊基久廢道光七年職員郭思泉等移置玉帝廟內書舍三開田三十畝

趙固鎮社學舊基久廢道光七年貢生李懷來等移置興福寺內

南姚國社學在關帝廟內書舍三間田四十畝道光七年生員趙在公等公立

丁家莊社學道光七年監生郭成都等捐設

薄壁鎮社學書舍十七間田二頃二十畝道光七年監生徐沛等奉知縣劉際華諭公立

吳村鎮社學舊基久廢道光七年監生李蔭棻等重設
一在鎮東書舍五間田四十畝一在鎮西書舍十間田一頃二十畝

南灘社學道光七年武生宋昌等捐設書舍五間田一頃七十畝

金章社學在牛王廟內書舍三間田五十畝道光七年

袁村等公立

郭雷社學道光七年生員趙桓等捐設

高莊社學舊基在大街地名炭場久廢道光七年知縣周

際華重設觀音堂內房三間學田七十六畝崔承緒等
經營

更村社學在迎恩宮道光十三年生員袁淳民人郭峻
本奉知縣周 議建嗣道人楊嘉旺爭控又奉 郡憲
照縣案斷結仍設廟內書舍三間田一頃二十畝

侯兆川社學在闕帝廟內書舍三間田五十畝貢生陳
孔著監生雕剛等捐設

卓水村社學在新安寺內學田一頃二十畝監生祝昕

等公立

龍王廟社學生員施炳等公立有田五十畝

以上現存

趙寧屯社學官地

王村舖社學在大路北

常村社學官地

沿村社學官地

楊閭社學民張得川地

黃里村社學尼寺地

雙峯社學民李文慶地

鄭家屯社學官地

南雲門社學三官廟地

北雲門社學尼寺地

張九屯社學廣生廟地

褚邱社學官地

早生社學尼寺地

程村社學官地

峪河社學生員周邠地

社學尼寺地

馬家橋社學三官廟地

南村社學官地

沙壩社學官地

平羅社學三官廟地

北流社學官地

以上社學各設門一楹房三楹嘉靖四年提學副使蕭鳴鳳檄知縣許瑄創建今俱廢

類縣志卷九

擢縣知縣驗筑周際華石藩纂修

祠祀志

典祀

文廟

順治二年定

文廟諡號稱爲

大成至聖文宣先師孔子十四年議改諡號爲

至聖先師孔子

春秋二丁武職與祭

康熙四十九年

增祀朱儒范仲淹

康熙五十二年

遷東廡朱子墓配享十哲之次

康熙五十四年

追封

先師五世王爵改政聖廟爲 崇聖祠

雍正元年

建忠義亭於學宮

雍正元年

增祀先賢林放、壤瑗、秦冉、顏何、漢儒鄭康成、晉儒范甯

雍正二年

增祀先賢顏直、牧皮、樂正子公都子萬章、公孫丑、漢儒

諸葛亮、宋儒尹焞、魏了翁、黃幹、陳淳、何基、王柏、元儒趙

復、金履祥、許謙、陳澔、明儒羅欽、順、蔡清

國朝陸隴其

雍正二年

增祀宋張迪配享 崇聖祠文奉

先師孔子聖諱理應迴避查毛詩及古文此字讀作期音著

甚多嗣後除四書五經外凡遇此字並加卩為邱地名

亦不必改易但加卩旁讀作期音庶協尊崇至意

雍正三年

詔郡縣二祭增用太牢

雍正三年

加增祭品祭器樂器圖冊

雍正三年
頒存各學

改宋儒周敦頤程顥程頤張載邵雍為先賢升先儒上

雍正三年

復祀元儒吳澄

乾隆二年

遷東廡有子若配享十哲之位

乾隆三年

部頒先儒位次兩廡陳設圖式

乾隆八年

增祀明儒劉宗周道光二年

增祀

國朝湯斌

道光三年

增祀明儒黃道周

道光五年

增祀明儒呂坤

道光六年

增祀唐儒陸贄

道光八年

增祀先儒孫奇逢

道光八年

祭期

每歲春秋上丁日致祭先期承祭官率陪祭各官齊

赴

文廟階下行一跪三叩頭禮視牲至期各官齊集行禮

正殿

至聖先師孔子

祭品

帛一 白磁爵三 牛一 羊一 豕一 鹿一

代羊

登一 鉶一 簋二 簠二 豆十 酒罇一

東配二位

復聖顏子

述聖子思子

祭品

每位帛一 白磁爵三 羊一 豕一 鉶一

簋二 簠二 豆八 酒罇一

西配二位

宗聖曾子

祭品同東配

東哲六位

閔子損

冉子雍

端木子賜

仲子由

卜子商

有子若

祭品

鼎六 白鴈各一 豕一 鉶各一 簋各一

簠各一 豆各四 豕首一

西哲六位

冉子耕

宰子予

冉子求

言子偃

顓孫子師

柴子熹

祭品同東哲

東廡六十五位

先廟先備位次俱照乾隆十八年得報錄史傳較年序次式

先賢

蘧瑗

澹臺滅明

原憲

南宮适

史記作括

商瞿

漆雕開

司馬耕

梁鱣

鱣一名鱣

冉儒

伯虔

冉季

漆雕徒父

光緒二十九年
漆雕哆

公西赤

任不齊

公良慆

公肩定

鄆單

罕父黑

縶旂

左人郢

鄭國

原亢

廩潔

一名潔

叔仲會

公西輿如

在公百輿名如

邾莒

陳亢

琴張

步叔乘

秦非

顏喟

顏何

縣亶

樂正克

萬章

周敦頤

程顥

邵雍

先儒

公羊高

伏勝

董仲舒

后蒼

杜子春

諸葛亮

王通

陸贄

范仲淹

歐陽修

楊時

羅從彥

李侗

呂祖謙

蔡沈

陳淳

魏可翁

王柏

趙復

許謙

吳澄

胡居仁

王守仁

羅欽順

黃道周

湯斌

〔祭品〕

帛二

白

銅爵各一

羊三

豕三

每案簋一

簋一

籩四

豆四

酒罇一

西廡六十四位

先賢

林放

宓不齊

公冶長

公皙哀

高柴

樊須

商澤

巫馬施

顏幸

曹卹

公孫龍

秦商

顏高

一名
刻

壤駟赤

石作蜀

公夏首

后處

一作
石處

奚容蒧

顏祖

一名
相

句井疆

秦祖

縣成

公祖句茲

燕級

樂欵

狄黑

孔忠

公西蒧

顏之僕

施之常

申棖

左邱明

秦冉

牧皮

公都子

公孫丑

張載

程頤

先儒

穀梁赤

高堂生

孔安國

毛萇

鄭康成

范甯

韓愈

胡瑗

司馬光

尹焞

胡安國

張栻

陸九淵

黃幹

真德秀

何基

陳澠

金履祥

許衡

薛瑄

陳獻章

蔡清

呂坤

孫奇逢

劉宗周

陸隴其

祭品同東廡

陳設圖

按會典設籩於神位東設

栗 芡

以上

豆於神位西各八簋各二於籩豆間簋

榛 蕷

肅增羊

東籩西簠二登一於

爵

鬯

醴

棗

十簋

爵

和羹鉶黍

稷

二簋

先師位

帛

用爵

大羹登

奉

香鼎

爵

和羹鉶稻

梁

二簋

籩豆上爵三於登鉶

燭

蕷

醴

蕷

以上

上帛又其上羊豕杏燭在前今添太牢在

蕷

醴

蕷

增豕

中不知何年又添籩豆各十繪圖以備考

籩

爵

十豆

祭品

帛 太羹 和羹 太牢 豕 少牢 魚醢

醢醢 鹿醢 醢醢 藁魚 鹿脯 黍 稷

稻 梁 藜 菱 芡 粟 棗

竹菹 蕕菹 菁菹 形鹽 酒 降香 燭

祭器

篚 貯幣 簠 貯太羹 鉶 貯和羹 簠 貯黍稷 簋 貯稷 籩 貯藜菱芡栗 鹿

豆 貯菹芹笋菁合菹 尊 貯酒 象尊 貯酒 雲雷尊 貯酒 獻酒

尊 用以饗酒者 洗 以受盥手之水 罍 所以設列祭器 鼎 以

焚爵 用以奠 籩 用以覆豆 勺 有柄 盥盤 並架巾 祝版

燭臺 玷 所以置尊爵

儀注

禮記 卷之三 禮記 卷之三

分獻陪祭各官入兩旁門序立贊引導承祭官至盥洗
所盥手畢引至階下立典儀唱樂舞生就位執事者各
司其事分獻官陪祭官各就位贊引贊就位承祭官就
拜位立分獻官隨後立典儀唱迎神唱舉迎神樂奏咸
平之章樂作贊引贊跪叩首承祭官陪祭官分獻官俱
行三跪九叩首禮興樂止典儀唱奠帛行初獻禮唱舉
初獻樂奏寧平之章樂作贊引贊陞壇導承祭官由東
階上進殿左門贊引贊詣

至聖先師孔子位前承祭官至案前立贊引贊跪叩首興承
祭官行一跪一叩頭禮贊引贊獻帛捧帛者以帛跪進
承祭官接帛拱獻畢贊引贊獻爵執爵者以爵跪進承

祭官接爵拱獻畢行一跪一叩頭禮興贊引贊詣讀祝位承祭官詣讀祝位立讀祝官至祝案前一跪三叩頭捧祝版立於案左樂止贊引贊跪承祭官讀祝官分獻官陪祭各官俱跪贊引贊讀祝讀畢捧祝至

正位前案上跪安帛匱內三叩頭退樂作贊引贊叩興承祭官及各官行三叩頭禮興贊引贊詣

復聖顏子位前承祭官至案前立贊引贊跪叩興承祭官一跪一叩頭興贊引贊獻帛捧帛者跪進於案左承祭官接帛拱獻贊引贊獻爵執爵者跪進於案左承祭官接爵拱獻行一跪一叩頭禮興贊詣

宗聖曾子位前如前儀贊詣

述聖子思子位前如前儀贊詣

亞聖孟子位前如前儀其十哲兩廡分獻官俱照前儀行
禮畢贊引贊復位承祭官分獻官仍詣

至聖先師位前立樂止典儀唱行亞獻禮唱舉亞獻樂奏安
平之章樂作贊升壇獻爵如初獻儀贊引贊復位承祭
官分獻官各復位立樂止典儀唱行三獻禮唱舉三獻
樂奏景平之章樂作贊引贊升壇獻爵如亞獻儀贊引
贊復位承祭官分獻官各復位立樂止典儀唱飲福受
胙贊引詣受福胙位承祭官至殿內跪

正位案前捧福胙者右旁跪接福胙者左旁跪贊引贊飲
福酒承祭官受爵拱舉授接爵者贊受福胙承祭官受

肸拱舉授接肸者贊引贊叩興承祭官三叩頭興贊復位承祭官復位立次行謝福肸禮贊引贊跪叩興承祭官分獻官及陪祀各官俱行三跪九叩頭禮興典儀唱徹饌唱舉徹饌樂咸平之章樂作徹訖樂止典儀唱送神唱舉送神樂奏咸平之章樂作贊引贊跪叩興承祭官分獻官及陪祀各官皆行三跪九叩頭禮興樂止典儀唱捧祝帛饌各詣燎位捧祝者捧帛者至各位前一跪三叩頭捧起祝文在前帛次之捧饌者跪不叩首捧起在後俱送至燎位承祭官退至西旁立候祝帛饌過仍復位立典儀唱望燎唱舉望燎樂與送神同樂作贊引贊詣望燎位導承祭官至燎位前立祝帛焚訖樂止贊

引贊禮畢退

樂章

迎神樂奏咸平之章無舞

大哉

太南
四工

至

林尺

聖

仲上

道

太四

德

仲上

尊

林尺

崇

仲上

維

南工

持

林尺

王

仲上

化

太四

斯

林尺

民

仲上

宗

太四

典

黃合

祀

太四

有

仲上

神

黃六

其

南工

來

林尺

榕

仲上

於

林尺

昭

仲上

聖

黃合

容

初獻樂寧平之章

有舞

自

太四

生

仲上

民

林尺

來

仲上

誰

太四

底

黃合

其

仲上

盛

仲上

明

太四

度

黃合

越

仲上

前

仲上

聖

太四

乘

仲上

帛

大四

客

太四

斯

林尺

稱

仲上

黍

太四

稷

南工

非

黃六

馨

林尺

惟

南上

神

林尺

之

仲上

聽

太

亞獻樂安平之章 有舞

大太四仲哉上聖仲台黃師太實南工天尺林生仲上德四太作仲樂大四以

侑林尺時上仲祀太無林尺敦上仲清黃六南工惟上仲嘉仲尺

牲仲上孔合黃碩太薦太四羞工神六黃尺明尺庶南工幾尺昭仲上格

太

三獻樂景平之章 有舞

百仲上王工南宗林尺師上仲生林尺民上仲物太四軌合黃贍黃六之南洋

林尺洋仲上神林上其仲寧太四止合黃酌太四彼合黃金林尺饗上惟工

清林尺且太四旨上仲登上仲獻太四惟尺林三上於黃六工成尺禮

上

禮記

卷九

祠祀

典祀

上

徹饌樂咸平之章 無舞

犧仲上象太四在仲上前尺林豆太四籩仲上在合黃列太四以太四享南工以

尺薦仲上旣仲上芬尺林旣太四潔仲上禮合黃成太四樂仲上備太四八南工

和尺林神仲上悅太四祭合黃則太四受仲上福尺林率合黃遵南工無尺林越

上仲

送神樂咸平之章 望燎同

有太四嚴南工學尺林宮仲上四黃台方太四來仲上崇太四恪黃六恭南工祀

尺事仲上威南工儀尺林籩仲上籩太四欲仲上茲尺林惟南工馨尺林神仲上

馭太四還尺林復仲上明尺黃禋南工斯尺林畢仲上咸仲上膺尺林百仲上福

太四

樂器

麾 金鐘 玉磬 鼓 搏拊 祝 敔

琴 瑟 排簫 笙 簫 笛 塤

篪

舞譜

初獻

自 稍前向外
開簫舞

生 踏向裏
開簫舞

民 合手踏
朝上

來 起辭身向外
肅舉簫面朝

誰 兩兩相對蹲
東西相對

底 台手蹲
朝上

其 正

盛 起平身出
左手立

惟 兩兩相對自下
而上東西相向

飾 稍前舞舉
簫垂翟

神 中班轉身東西相向立惟兩中
班十二人轉身俱東西相向

明舉翟三合籥

度稍前向外垂首舞

越踏向裏垂手舞

前向前合手謙進步雙手合籥

聖回身再謙退步側身向外高手回面向上

乘正踞朝上

帛稍舞躬身挽手側身向外呈籥耳邊面向朝上

具正揖

成魁辭身挽手復舉籥正立

禮兩兩相對交籥兩班俱東西手執籥

容正揖

斯向外退挽手舉籥向外面朝上

稱回身正位

黍稍前舞

稷正踞朝上

非左右垂手兩班上下俱雙垂手東西相向

馨起合手相向立

惟左右側身垂手向外開籥垂手舞

神右側身垂手向裏垂手舞

之正揖朝上

聽躬而受之躬身面朝上拱籥而受之三鼓而

起

亞獻

大 左右進步向
外垂手舞

聖 面向外落籥
朝上

實 正

生 向裏
舞

作 兩兩相對自下而上
兩班相擊籥東西

身 東西
相向

崇 相向立兩班上
下以籥相籥

祀 向裏
手舞

數 四身再讓兩班上下
東西相向合籥立

哉 右向裏
垂手舞

師 退向正
身立

天 起身向前
轉向外舞

德 合手誦道步向前
雙手合籥將前

樂 上下俱垂手惟兩中
上下十二人俱垂手轉

以 轉身東西
相向立

時 稍前舞踏兩班上
下俱垂手向外

無 合手誦道步向前
前垂手合籥

清 稍前舞向
外開籥翟

酌向裏

惟雙手平執箏

馨合箏程朝

嘉側身垂左手兩班

牲躬身

孔雙手舞箏

碩躬而受之躬身朝上

騰一叩頭舉

羞舉左手

神後舉右手叩頭

明拜一鼓畢即起

庶三舞踏舉箏

幾舉箏向有

昭舉箏復向

格拱箏躬身

三獻

百向外開

王向裏開

宗側身向外

師朝上



生 兩班上下兩
兩相對交箭

物 側身向
裏落箭

瞻 向外閃
箭舞

洋 開箭朝
上正立

神 向外閃
箭舞

寧 進步向前
雙手合箭

酌 向外開
箭舞

金 開箭朝
上正立

惟 向外垂
手舞

且 朝上
正揖

登 躬身向左
合箭舞

民 合手朝
上正蹲

軌 合箭朝
上正位

之 向裏開
箭舞

洋 合箭

其 向裏開
箭舞

止 回身東西
相向手謙

彼 向裏開
箭舞

轉 合箭朝
上正立

清 向裏垂
手舞

旨 躬身而
受之

獻 躬身向右
合箭舞

惟躬身復向

左右籥

三合籥朝上拜

一鼓使起身

於

躬身向外
垂手舞

嘻

躬身向裏
垂手舞

成

朝上
正揖

禮

躬身朝南受之
三鼓畢起身

舞器

節

羽

籥

樂舞生歌章四人樂生二十二人執麾一人引節一人
舞生三十六人康熙二十九年河南巡撫圖興邦題
設六十四人乾隆六年河南巡撫雅爾圖咨准部覆除
原定佾生正備四十名外仍用司樂三十二名共七十
二名通志樂舞生九十二名糾儀官一員禮生二十八名

祝文

德隆千聖道冠百王揭日月以常行自生民所未有屬
文教昌明之會正禮和樂節之時辟雍鐘鼓咸恪薦於
馨香泮水藻芹益致嚴於籩豆茲當春仲祇率彝章肅
展微忱聿修祀典

崇聖祠

肇聖王木金父公正中南向

裕聖王祈父公東一室南向

貽聖王防叔公西一室南向

昌聖王伯夏公東二室南向

啟聖王叔梁公西二室南向

祭期同前殿

祭品

帛五白 羊一 豕一 劍一 簠二 簋二 籩八

豆八 酒罇 白磁爵三

東配二位

顏氏無繇

孔氏鯉

祭品

帛二白 豕首一 簠一 簋一 籩四 豆四

豕肉一 每位銅爵三

西配二位

曾氏點

高孫氏激

祭品同東配

東廡

周輔成

教順之父

程珦

顯厚之父

蔡元定

沈之父

祭品

帛二

白

簋一 簋一 籩四 豆四 豕肉一

每位銅爵三

西廡

張廸

載之父

朱松

嘉之父

祭品同東廡

儀注兩跪六叩首禮用鼓吹餘同前殿

祝文

奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲屆

仲春

秋聿修祀事

名宦祠

唐共城令曹懷節

宋共城令李之才

元輝州守龔禮

元輝州守杜良

元輝州守尚文

元輝州守司仁

元遼魯化赤蕭述

元輝州判夏文仲

明輝縣知縣李麟

明輝縣知縣劉玉

國朝

輝縣知縣紀國相

輝縣知縣佟國璽

祭期

丁日同 先師
分獻

祭品用豕首餘同兩廡

舊志豕一
羊一隻

儀注同兩廡

祝文

澤媿龔黃功深召杜德在生民宜春俎豆茲值仲春

秋理

宜致祭

鄉賢祠

周高子

晉士孫登

宋邵古

宋康節邵雍

宋大理評事林會

宋太尉杜貴

元魯國公姚文獻樞

元翰林學士承旨姚文公

元魯國公姚文忠煒

元清河郡公張貞敏思明

元衛州教授趙澄

明翰林院侍讀學士王衡

明修職郎李徵

明奉議大夫李文泰

明按察使僉事陳玉

明徵仕郎魏安

明光祿少卿李可登

明中憲大夫冀國

明中憲大夫冀守謙

明漢中衛經歷吉永祚

明翰林院編修曹蘊清

國朝

徵君孫奇逢

贈中翰孫望雅

處士孫博雅

中翰孫淦

保定府知府程宏謨

纂刻藝品像注同名宦

舊志承一
口羊一隻

寬文

名高朝宁德重鄉邦宮階正位祀典用光茲值仲

春理
秋

宜致祭

〔忠義孝弟祠〕

宋忠烈太尉杜貴

明贈光祿寺少卿李可登

明贈漢中衛經歷吉永祚

國朝

孝子處士耿之翰

孝子舉人孫用正

祭期祭品儀注同名宦

〔祝文〕

稟賦貞純躬行篤實忠誠奮發買金石以不渝義問宣
昭表鄉閭而共式祇服懋德倫之大性學我蒿克恭念

天顯之親情殷棣萼模威推夫懿德

恩綸特闡其幽光祠宇維隆歲時式祀用陳簠簋來格几筵

節孝祠

周衛世子共伯妻共姜

元陳克敬妻趙氏

虞敬妻時氏

明王夢賚妻李氏

袁濬妻孔氏

國朝

王景堯妻孫氏

張師孔妻烏氏

孫用霖妻劉氏

鹿滋妻孔氏

王良卿妻楊氏

郭惠妻孫氏

楊名傑妻孫氏

孫蔭妻李氏

王景達妻馬氏

李延臘妻王氏

王銑妻牛氏

張緝妻李氏

張湜妻劉氏

崔光治妻袁氏

馬柱妻曹氏

魏廷光妻牛氏

張守福妻陳氏

何培宗妻氏

李九思妻宋氏

鄭世傑妻郭氏

宋孔惠妻周氏

張少元妻袁氏

張三樂妻趙氏

趙楷妻孫氏

施政妻徐氏

張雨金妻李氏

霍成妻岳氏

趙思廉妻王氏

胡泰運妻史氏

王文錦妻劉氏

孫价繼妻劉氏

孫嬰妻郭氏

郭岐妻宋氏

牛瑚妻李氏

王命伯繼妻李氏

李旺妻郭氏

孟秉乾妻趙氏

秦永康妻侯氏

王桷妻程氏

張大章妻楊氏

蘇維賢妻郭氏

左日昕妻張氏

宋鑑妻李氏

張海妻裴氏

馬楹繼妻莊氏

張淦妻李氏

岳文義妻晉氏

申復禮妻史氏

李學禹妻王氏

王建基妻武氏

張文妻章氏

萬啓運妻焦氏

尙建埤妻范氏

張其茂妻王氏

崔亮妻丁氏

魏菊妻郭氏

傅澄繼妻孫氏

王灝妻方氏

王照藜妻郭氏

王桂妻孫氏

余大有妻崔氏

徐鈞繼妻張氏

戴錕妻紉氏

左良卿妻劉氏

李寬妻張氏

張其藻妻王氏

張錦妻秦氏

張錫圖妻牛氏

趙萬妻靳氏

聶鑑妻馬氏

徐九思妻孟氏

周立業繼妻崔氏

吳進妻張氏

趙楷先妻楊氏

牛溫妻秦氏

郭啓秀妻連氏

趙廷弼妻李氏

趙文遠妻杜氏

孫鍵妻楊氏

趙承先妻郭氏

張情妻郎氏

張成智妻徐氏

賈昭妻龔氏

韓金妻張氏

姚君璧妻何氏

郎進功妻王氏

劉家淮妻侯氏

張玉新妻王氏

黃鍾岐妻秦氏

周清源妻郭氏

傅濛繼妻李氏

劉玉堂妻黃氏

張起鵬妻閻氏

姬永昌妻郭氏

焦思敬妻郭氏

張懋妻段氏

孫平妻羅氏

宋克富妻崔氏

王繼興妻張氏

莊統真繼妻杜氏

李彭年妻燕氏

王循妻崔氏

王建輝妻劉氏

董永福妻楊氏

張鏡妻周氏

梁珮妻牛氏

何文富妻王氏

侯殿魁妻趙氏

周文元妻王氏

侯天麒妻李氏

呂正心妻王氏

王廷芳妻牛氏

李植年妻王氏

李方視繼妻施氏

陳祥妻關氏

周融妻馬氏

靳端成妻魏氏

林蘊珍妻段氏

韓思賢妻烈婦楊氏

郭安妻烈婦魏氏

崔珩妻烈婦周氏

田景全妻烈婦賀氏

郝文士妻烈婦趙氏

張天錫妻烈婦郭氏

馬香荷妻烈婦張氏

傅春槐妻烈婦胡氏

常四妻烈婦張氏

貞女孫蘭姑

烈女王芒姐

烈女王景女

烈女陳明女

吳維振側室趙氏

孟淳側室李氏

孟淳側室劉氏

鄒文明側室夏氏

周之俊側室崔氏

【祭期祭品儀注】同忠義

禮文

純心皎潔令德柔嘉矢志完貞全閨中之令節竭誠致敬彰閭內之芳型茹冰蘗而彌堅清操自勵奉盤匱而匪懈篤孝傳徽

絲綸特沛乎殊恩祠宇昭垂於會典祇循歲祀式薦尊醪

文昌祠

祭期祭品儀注同土

祝文

斗前六星總司祿命孝及忠仁勸士惟敬騰蛟起鳳佑助斯文崇新臺閣 帝用式憑

奎光閣

祭期祭品儀注同上

祝文

北極之象太乙之精佑我後學科第繩繩

關帝廟在東門月城內嘉靖四十四年知縣呂光化建每

歲春秋仲月及五月十三日有司致祭雍正年間奉

勅用太牢一在城外西南隅乾隆三十七年創修規模宏敞一

在城內西北隅一在蘇門山麓

春秋二祭祭品

春一白 牛一 豕一 羊一 籩十 豆十

五月十三日祭品

帛一白 牛一 豕一 羊一 籩五盤

儀注

祭日贊引引承祭官進左旁門至盥洗所贊盥洗盥洗畢引至殿內行禮處立典儀唱執事者各司其事贊引贊就位引承祭官就位立典儀唱迎神司香者捧香盒就香爐左邊立贊引引承祭官就香爐前立司香者跪贊引贊上香承祭官舉香插爐內又上塊香三次畢贊引贊復位立贊引贊跪叩興承祭官行三跪九叩頭禮典儀唱奠帛爵行初獻禮捧帛爵者將帛爵捧進神位前奠帛者跪獻畢行三叩頭禮退執爵者立獻畢退讀祝官詣安祝文棹前行一跪三叩頭禮捧起祝文立贊引贊跪承祭官讀祝官俱跪贊讀祝讀畢捧至

神位前跪安盛帛盒內畢行三叩頭禮退贊引贊叩興承
祭官行三跪九叩頭禮立典儀唱行亞獻禮執爵者照
初獻禮獻畢退典儀唱行三獻禮執爵者至案右邊照
亞獻禮獻畢退典儀唱徹饌唱送神贊引贊跪叩興承
祭官行三跪九叩頭禮立典儀唱捧祝帛饌各詣燎位
捧祝帛香饌者至

神位前俱跪捧祝帛者行三叩頭禮捧香饌者不叩頭將
祝帛香饌依序捧送承祭官退至西旁立候捧祝帛者
過畢復位立贊引贊詣望燎位承祭官至燎爐前焚訖
揖贊引贊禮畢退

祝文

浩氣凌霄丹心貫日扶正統而彰信義威震九州完大節以篤忠貞名高三國神明如在遍祠宇於寰區靈應丕昭薦馨香於歷代屢徵異蹟顯佑羣生恭值嘉辰遵行祀典

關帝三代祠在本廟東偏南向雍正元年奉

青建三年追封三代公爵與帝廟同日致祭

光昭公正中南向

裕昌公東一室南向

成忠公西一室南向

春秋二祭祭品

帛各一色 豕各一 羊各一 籩豆各八

儀注

行二跪六叩頭禮承祭官詣

光昭公

裕昌公

成忠公各爐前奉香餘同前殿

祝文

世澤貽休靈源積慶德能昌後篤生神武之英善則歸
親宜享尊崇之報列上公之封爵錫命攸隆合三世以
肇禮典章明備恭逢諏吉祇事薦馨

社稷壇在城西明洪武三年置春秋仲月上戊日致祭

祭品

帛二

黑

爵一

豕一

羊一

劍一

鑊四

豆四

簋一

簋二

尊一

儀注

祭日各官衣朝衣禮生引承祭官至拜位通贊唱執事者各司其事陪祭官各就位承祭官就位通贊唱瘞毛血禮生引詣盥洗所贊盥洗淨巾引詣香案前贊迎神行三跪九叩頭禮興行初獻禮引詣

神位前跪奠帛獻爵叩頭興詣讀祝位跪衆官皆跪宣祝文畢叩頭興引唱復位通贊唱行亞獻禮引詣

神位前跪獻爵叩頭興復位通贊唱行三獻禮如亞獻儀通贊唱飲福受胙引唱誥飲福受胙位跪飲福酒受福

昨叩頭興謝昨一跪三叩頭興復位通贊唱徹饌送神
行三跪九叩頭禮興通贊唱司祝者捧祝司帛者捧帛
各詣燎所引唱詣望燎位焚畢揖復位通贊唱禮畢

風雲雷雨山川壇在城南明洪武三年置春秋仲月上戊
日致祭

祭品儀注與社稷同

先農壇在東關外有藉田四畝九分雍正九年

勅建道光十四年知縣周際華重修壇後補建 神舍三楹有

記

祭品儀注與社稷同

厲壇在古城北明洪武二年置每歲清明節七月望十

月朔致祭

祭品

羊三 豕三 飯米三石

城隍廟在縣治右舊無考明洪武三年知縣弼廉建宏治八年知縣李琮增建兩廡正德元年參政車璽重修嘉靖四年道人徐尚德募修拜殿及兩廡萬曆十二年知縣聶良杞重修崇禎八年知縣張克儉繼修撰記書石

國朝康熙十八年知縣陳謨重修春秋二仲上戊日有司致祭

其姜祠在縣治東偏元知州伯善建祠臺上肖像祀之

有司春秋致祭送司望行香詳見古蹟乾隆九年又建祠於

蘓門山麓

衙神祠在縣治儀門外左偏始建未詳

土地祠在縣治儀門外東偏萬歷六年知縣聶良柁重

修每歲春秋上戊日致祭

馬神廟在奎光閣北路東每歲春秋上戊日致祭

龍王廟在大街北係東察院舊址正殿三間門樓一間

雍正九年知縣趙仔敦建乾隆四十二年知縣何文耀

重修知縣何秉權落成

祝文

德洋寰河澤潤蒼生允發水土之平經流順軌廣濟泉

源之用膏雨及時續奏安瀾占大川之利涉功

欣庶類之蕃昌仰藉

神庥宜隆報享謹遵祀典式協良辰敬布几筵肅陳牲幣
文光閣在城上東南隅上祀奎宿下祀 文昌道光十
年知縣周際華倡捐創建有記

八蜡廟在東關成化三年知縣張錦重修宏治十四年
知縣劉玉嘉靖七年知縣張天貴繼修嘉靖三十二年
知縣趙經移建今地每歲春秋上戊日致祭

三皇廟在南門月城內東偏道光十三年重修

火神廟在南門月城內西偏每歲六月六日致祭道光
十三年重修後街並城外東北兩俱有廟

岳忠武王廟在西門月城內萬歷四年邑紳王塗建乾隆五年邑紳孟五金呂兆麟重修捐置祭田四十畝

高子祠在東關乾隆十八年知縣文兆爽創建每歲春秋有司致祭紳士於四月十八日致祭祭田三十餘畝莊基十畝行糧二十畝在清暉閣南水寨口自李公祠改撥

文昌閣舊在東南古城上萬歷丁丑知縣聶良杞從紳士議移建古城外東南隅順治九年邑人邵潼沐人張玉募化重修於大門上創建奎閣嘉慶五年知縣張丹桂倡眾重修於閣後創建文昌三代祠春秋二仲有司致祭自始建至今二百餘年每歲二月朔日紳衿聚

祭輪司祀事有祭田二十餘畝以供香火其錢糧紳士分認詳碑記

春秋祭品

牛一 豕一 羊一

儀注

三跪九叩首

祝文

蹟著西垣樞寰北極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲春用昭時祀尙其歆格鑒此精虔

文昌三代祠

祭品

豕三

羊三

祭品一案

儀注

二跪六叩首

祝文

祭引先河之靈禮崇反本之恩矧三世德彌光延賞斯
及祥鍾累代炯列宿之精靈化被千秋緯人文之主宰
是尊後殿用答前庥茲屆仲秋肅將時事用申告潔
神其格歆

百泉聖廟初名先賢祠在百泉書院儀門左中祀

至聖左右各三楹分祀周子敦頤程子顛程子頤邵子雍張

子載司馬公光朱子熹呂子祖謙張子栻許公衡配以
姚公樞寶公默明季壬午汴梁湮沒遷棘闈於輝邑書
院時緣急迫將院內

先師十賢像移置廢祠風雨暴露邑人冀應熊信義捐金移
建蘓門山上卽呂公堂故址擴而大之鑿階百級正殿

三間中祀

至聖配以四哲左右兩廡六間塑列周程諸子中間觀河廳

三間

東壁有總憲梁雲構碑記

前立子在川上坊牌一座下建仰止

三間

內有建廟及配享諸公碑記

外建櫺星門一座

國朝康熙十一年續入江漢先生趙公復十四年督學史

逸裘捐俸重修

有碑記

續入夏峯先生孫公奇逢二十年

知縣陳謨復修續入冀公國冀公守謙二十九年知縣滑彬重修四十六年邑紳孫用正馬昉倡眾改建大成門易木以石乾隆九年知縣李拔桂王孚邑紳孫用正孟五金冀世第改建大殿皆易以石嘉慶十六年歸德蔣予蒲倡議重修兩廡皆易以石

〔百泉關帝廟〕在蘓門山麓百泉之上郡人張淮於廟前立碑大書乾坤正氣四字碑陰書讀好書行好事說好話做好人四語書法妙絕

〔衛源廟〕在蘓門山麓廟創於隋殿名清暉以祀河神稱靈源公宋宣和七年封成惠王元至元二十二年加封洪濟成惠王明洪武十一年改稱衛源之神其廟宋廢

歷間重建金明昌間李天瑞重修元至治間趙恭至正
間伯顏繼修明嘉靖三十三年巡按御史霍冀檄有司
撤而新之自殿寢廊廡及外門角樓繚以周垣宏壯邃
肅倍勝於昔

國朝康熙二十八年知縣滑彬葺補雍正四年總河嵇曾
筠又修乾隆十五年復加修飾道光五年知縣游昌廷
倡衆重修六年知縣周際華續修撰記勒石每歲四月
初八日本府知府致祭春秋二仲中丁有司致祭殿之
左爲五龍王廟右爲宣澤侯廟

今廢

周程祠在百泉 聖廟大成門左亦自書院移出康熙
四十年知縣范景率紳士創建每歲春秋中丁致祭

邵子祠卽安樂窩故址拜殿三間正殿三間省康節先生早年慕道遺像祀之東西天根月窟房各三間久廢後建皇極閣五間週圍石牆成化六年知縣張錦建

國朝順治十六年重修巡撫賈漢復扁曰學徹先天巡按李粹然扁曰易學淵源久廢乾隆十五年再建張公祠前

道光八年廉使麟慶檄知縣周際華改建擊壤亭爲三楹移祀桃竹園內春秋中丁有司致祭

姚公祠在西關北閣門外明嘉靖三年參議徐文潯創修內祀姚文獻公樞以從子姚文公燧暨子姚文忠公燿配春秋上戊日有司致祭

國朝康熙四十六年邑紳孫用正重修道光八年再修知

縣周際華撰記題額

〔孫徵君祠〕在百泉西涯康熙四十四年巡撫徐公潮檄知縣尹烈創建以門人睢州湯潛菴斌登封耿逸菴介定與耿保汝極獻縣王申之餘佑配享大門一間享堂三間正庭三間寢堂三間春秋中丁有司致祭道光六年巡撫程公禔洛檄知縣周際華撤而新之以周旋左魏周之難者配享寢堂扁曰一堂正氣一在夏峯村門人湯斌等同建學憲張潤民扁曰有功名教

〔石門廟〕在縣西五十里石門山麓內塑三仙女像始建未詳元至元間重修

國朝順治十六年道人募化新之每歲六月六日有司致

祭禱雨輒應又西關外亦有廟以便時祭

詳見山川
三仙潭

〔風神廟〕在縣西北黃水口巖旁有穴風自內出人以瓦石投之逾時迅猛大作悉倒擲出廟在穴南嘉靖初恒暘爲虐雲台輒散愚民以此咎神焚其廟迄今未復每歲季春有司遙祭於百泉之右

〔黑麓廟〕在縣北黑麓山下內祀孚佑公卽山神也廟下有潭禱雨輒應元至元元年重修縣治西門內亦有廟有司以季春致祭嘉慶二十二年知縣沈春煦典史夏本榮重修有記

正祠 寺觀附

〔孫公和祠〕在蘓門山上內祀晉隱士孫登明正德十一

年御史許完建乾隆十年知縣李拔桂重建易以磚石
道光十四年分巡河北道文公冲檄知縣周際華卽祠
上改建嘯臺增修牆壁有記

互見古蹟

七賢祠一名七賢觀一名尙賢寺在縣西南山陽鎮晉
嵇康阮籍劉伶阮咸山濤向秀王戎同爲竹林之遊號
竹林七賢後人立祠祀之康熙十八年知縣陳謨重建
今名竹林寺

竈君廟在城外東南隅

府君廟在西關內祀唐衛令崔珪嘉靖二十四年重修
晉僕射廟在縣西南姚固村東內祀唐衛國公李靖時
盜賊充斥爲害一方靖遣將護守民賴以安土人德之

建廟以祀

蒿里相公廟在縣西南雲門社公以直諫至死唐封直烈侯元至元二十一年鄉人王貴等立廟祀之

啟賢祠在蕪門山麓內祀邵公古明季改爲張公祠

杜公祠在縣東北常村內祀宋太尉杜貴

久廢

包公祠在縣西史村內祀宋包孝肅公拯始建未詳又卓水峪河北皆有祠

晉祠在縣西南五里祠前有泉自汾晉潛流至此湧出灌溉稻田金明昌三年鄉人李顯師成建祠塑女像以

爲水神

詳見蓮花泉

耶律公祠舊繫邵子安樂窩遺址內祀元丞相耶律楚

村至元間公之孫希逸重修明成化六年知縣張錦改
復邵子舊蹟惟王博文碑記尙存道光十年知縣周際
華卽泉左張公克儉廢祠改建以祀公以張公配享有
記

劉公祠舊在東關今入蜡廟卽其地也原碑現存嘉靖
二十七年改祀縣治內又移城隍廟東北隅內祀邑令
劉公玉雍正四年同祀報德祠

霍敖二公祠在百泉東南隅內祀巡按御史霍公冀暨
分守參議敖公宗慶久廢順治十三年教諭朱頌祿重
修又廢雍正四年同祀報德祠

詳宦蹟

聶公祠舊在蕪門山麓後改爲呂公堂今祀報德祠

段公祠在百泉西北後改爲報德祠久廢

張公祠在衛源廟右公諱昇明季守衛民懷其德建祠祀之乾隆庚午以公祠前半改爲新安樂窩道光十年知縣周際華移邵子神位於安樂窩改修報德祠以祀

霍敖諸公

有碑記

龍公祠在蕪門山麓與聶公祠並聶公祠改爲呂公堂移位於此今統在呂公堂垣內其祠現存

張公祠在泉源之左內祀邑令張公克儉道光十年知縣周際華重修改祀耶律公以公配享

紀公祠在東關內祀邑令紀公國相

詳見名宦

賈公祠在百泉 聖廟大成門左內祀河南巡撫賈公

漢復今廢惟寶政碑尙存

政詳
宦蹟

李公祠在清暉閣之南內祀河南巡撫李公國亮

久廢
政詳

蹟

佟公祠在百泉東南內祀邑令佟公國璽康熙四十年

重修久廢又祠在石門口現存

嵇公祠在百泉

久廢事
詳碑記

報德祠雍正四年邑紳孫用正重修段公祠舊址改名

報德祠合祀霍放二公暨邑令劉公段公聶公趙公道

光十年知縣周際華移建張公祠前增祀嵇佟

文公祠在王村鋪青龍橋東內祀邑令文公兆奭

高公祠在縣西北沙窩村內祀邑令高公上桂村民捐

置祭田一頃二十畝折中行糧十二畝

宋肇琦採訪

寺觀附

〔天王寺〕在縣治後街元至元四年建內有善濟塔明洪武年間重修

國朝乾隆十九年知縣文兆爽繼修道光十四年知縣周際華移置東偏塔後卽其基改建

萬壽宮有記

〔觀音堂〕在城內東南隅始建未詳明隆慶間重修國朝康熙年間又修

〔如來禪院〕在東關外石河東又名靜樂宮明崇禎十一年知縣李原立建

十方院在如來禪院北

玉清觀在東關元至元間建翰林院吳炳有記

久廢

玉虛觀在西關

社稷壇北姚文獻公嘗徜徉其中王

惲有記趙孟頫書石刻現在

觀音堂原名同聖寺在西關北閣門外魏永安三年建

宋祥符三年重修明洪武二十二年又修

久廢

天真觀在西關街北始建未詳明成化丙寅年重修

國朝道光二年邑人王席珍捐資重建

北極菴

在南關新鄉路創自前明道光五年重修

立佛菴舊名上生菴在南關西大街

三官廟在南關中路

懋報寺在縣東北十五里邑人杜大忠因其祖貴與賊
戰歿詩於塚旁建寺圖報其功勅名懋報

柏尖寺在滑山東麓隋開皇年建明嘉靖七年重修
白佛寺在百福山

通元寺在縣東南五里天順甲申建成化壬寅重修

崇興寺在縣東南十里宋興國元年建明水樂天順間
重修

興福寺在縣東南十五里宋興國元年建

興國寺在縣南八里宋興國元年建元至元十二年重
修

國朝康熙年續修邑人孟發祥有記

丁家堂寺在縣西南四里

靈陽觀一名雲門寺在縣西南十五里衛河之濱其地
爽塏環以清流唐垂拱三年建元至元丙戌重修僉事
白棟有記明洪武三年又修今名龍眼觀

樓溪觀在縣西南十五里始建未詳明永樂三年重修
丹霞觀在縣西南十五里女冠呂妙亭創建

祝家寺在縣西南二十里元至正元年建

胡村寺原名興國寺在縣西南三十里左有九龍窩石
有玉米池宋雍熙二年建明正統十一年重修

石佛興國寺在縣西南羅召村舊名興國寺始建未詳
中有三石佛像年久廢壞乾隆十六年邑紳王世位倡

衆重修改名石佛興國寺亦以別於縣南之所謂興國
云

清涼寺俗呼翟村寺在縣西南冀家屯東唐總章二年
建

裴村寺在縣西南五十里魏永安年間建原名觀音寺

竹林寺

詳古蹟
正祠

王展寺在縣西南八十里宋雍熙三年建

落伽寺在縣西南駝峯嶺上宋紹聖四年建一名駝峯

寺寺據峯前巖木陰森風氣灑灑不絕崖下甘泉一泓

林莽中隱隱數家皆疊石爲垣壘門草舍雲叢掩覆鷄

犬聲出烟扉間與崖谷互爲響應外有龍潭盤繞縈帶

層嵐四映前山對峙屹立朝迎勢如拱揖凌晨遠眺海宇茫茫渺無涯際俯視人寰不啻螻封蟻垤令人起霞外出塵之想西山奧區無慮十數而山明水秀林壑幽雅如駝峯者殆不多見

寶泉寺在縣西六十里薄壁山腰明景泰元年建

長春觀在縣西三里元大德三年建

願真宮在縣西善明村元至元十八年願真李道人建
太清宮在縣西萬泉之濱金道士楊太元建竹木蔥鬱
至元大德間益稱盛地學士宋激爲之記又一在石門山

紫薇觀在縣西埠水泉上道士李重元茅伯達建溪流

紫抱竹樹陰森亦林壑之奧區也內有紫薇一株古豐
李鑑有記明成化間重修嘉靖戊子邑人鄧鰲撰記觀
之西偏舊有筠溪軒林竹茂密廣數十畝元學士王磐
爲之記

互見
古蹟

北陽寺在縣西二十里唐總章五年建

方圓寺在縣西二十里唐天寶間建明成化壬寅重修
雙泉寺在縣西五十里樹木繁秀泉水雙流故名元至
正二年建

白雲寺在縣西五十里太行山麓舊名白茅寺又稱夢
覺寺肇建於唐元至元二十年重建明洪武二十四年
重修改今名

國朝康熙年屢修左元極右白鹿翠壁丹崖環峙森列怪石奇峯峭崿撐拄而三鳳嶺參差翔舞宛若自天而下舒翼於寺之左右蓋太行諸梵宇之最佳者寺前竹樹陰合盛夏不見日色佛殿五層水陸殿最後畫品極工西有金沙銀沙二泉滙爲一池引穿香積下灌園蔬泉上植竹樹其後疊石爲臺建地藏王殿西臨石崖有窟曰青龍洞水色黯黑沉沉無聲東圃舊有五百羅漢像今雖無存宋碑尙在乾隆庚午

聖駕幸臨門牆殿宇整飾華美更加於昔寺西恭修

御座山水增輝又千古奇遇云

白鹿寺在縣西石門口之南白鹿山阿後倚危峯前臨

巨壑龍湫瑩澈鳥道紆迴人跡罕至內有傑閣貯藏經
數函

〔元極寺〕在白鹿寺西一徑梯升院分左右左則危棧石
室右則古洞深窈最西有珍珠懸泉亂落如雨殊絕可
愛創自石趙之世有天竺名僧佛圖澄者遍歷名山至
此頓步遂因峯構宇憑巖考室至齊河清四年益造石
經諸佛像勒碑洞口以識其事

〔法住寺〕在白鹿寺東

〔顯揚寺〕在法住寺東

〔孟村寺〕在縣西五十里

〔龍峪寺〕在縣西七十里太行山中宋元祐元年建

紫房宮在白鹿山重崖懸磔之下其上絕壁孤聳鳥道
巖崎躡躐履危緣崖攀陞而下入東阿有怪石倒懸陰
泉久漬上生綠苔石尖水溜響滴爲池巖前古木樛枝
櫛比自成籬落下臨峭壑深窈不可計有時白雲生礪
縹緲逼人頃間衣袖沾濕亦太行之異境也世傳張子
房辟穀之所其上有石刻大書紫房二字殆未可曉
草堂寺在縣西峪河鎮北唐書未詳前臨峪河北望太行
行頗有佳致

靈覺寺在縣西峪河鎮北唐書未詳前臨峪河北望太行
行頗有佳致

元帝廟在紫雲山唐書未詳

康衛侯廟在石門唐書未詳康衛侯互見墳墓

廣蔭菴在縣門山下書院之北明崇禎六年邑令張克儉建又名白雲菴

呂公堂在縣門山麓舊蔡公祠崇禎十六年邑人冀應熊改建

聖廟自山上移祀於此

資福宮在縣門山下舊蔡相園後爲邱譚劉三真人修道之所改名集仙資福宮元史天澤建久廢

藥王廟在資福宮東

柳泉寺在縣西北四十里九峯山畔有龍泉古柳故名明景泰四年重建成化元年正統甲子重修舊名永福寺

金學寺在縣西北二十里宋元祐七年建

白塔寺在縣西北四十里元至元二十二年建

賴塔寺在縣西北黃水口

解般寺在縣北五十里

普照寺在侯兆川東平羅村

勝福寺在侯兆川西平羅村東有花池南有華巖西有

三湖北有紫金宋熙寧五年建明成化三年重修

南湖寺在侯兆川西山山深竹茂水遶花繁元至正元

年建

中湖寺在南湖寺北三里許巖谷幽深竹林森茂泉出

山巔流經寺內唐中和三年建

北湖寺在中湖寺北三里許竹木周匝背山臨水東有峻嶺西有古寨南映分水嶺北倚紫金山元至元二年建至正十三年重修

小水頭寺在縣西北六十里天順六年建

悟空寺在侯兆川雁翅口負山臨水清泉古木穿布庭宇真禪棲也洪熙元年建

張澤寺在縣西北九十里侯兆川內宋雍熙三年建

墳墓義塚附

〔周〕

衛世子共伯墓舊傳在共山旁今無可考

共姜墓衛世子共伯妻相傳共姜臺卽其墓

高子羔墓今失其處 按聖門志子羔墓有四一在山

東沂州西南一百三十里故蘭陵城北一在東阿縣清

水河寺西一里一在陽穀縣一在河南太康縣西北四

十里究未確定今據唐封共伯宋封共城侯又聖門志

闕里志俱云輝人則其墓在輝無疑矣備錄以俟考

藺相如墓在侯兆川平羅社事見史記墓旁舊有古銀

杏一株

唐

羅公遠墓在縣西南雲門社今爲羅兆村有廟

康衛侯墓在縣西北二十里貯以石匣歲旱禱雨多應

互見
祠祀

宋

王承制墓在百泉西原公名之翰字周輔官內殿承制

主簿宋子華爲之志碑在侯兆川

任文煥
採訪

苗太尉墓在縣西北十里靳浩屯太尉名授字受之潞
人唐相苗晉卿之後宋仁宗朝韓琦奏從原州駐伯都
監鎮戎軍三川寨主兼四路沿邊巡檢使破虜有功屢
遷至右衛上將軍保原節度使退居洛紹聖戊辰卒贈
開府儀同三司諡莊敏葬於此

杜太尉墓在縣東北十里舊志太尉名貴宋政和三年
擊賊戰歿葬此墓旁立愍報寺 乾隆二十七年七月
丙於愍報寺旁觀音堂壁間得杜式墓志一通又於愍

報寺得杜大忠牒文一通皆宋代石刻與舊志所載之
杜太尉其名其籍其戰歿之年月皆不同至所率二子
禦賊陣亡葬於其城縣常村之原孫曰大忠墓旁建愍
報寺之類則杜貴杜式如出一人考杜式自戰歿距所
葬日月已四十有一年又約二十九年大忠始得勅旨
賜名愍報寺其年乃杜貴戰歿之年豈兵火之餘傳疑
傳信相沿而訛乎顧雖世遠年湮文獻不足而瑩域現
在僧寺猶存忠義之蹟千載如生舊志所述與銘牒所
存是非異同要皆不可沒也

墓誌詳藝文

附錄牒文於後

侍衛親軍馬都虞侯鄜州管內觀察使持節鄜州諸軍

事鄜州刺史上騎都尉永康縣開國男食邑二百戶杜
大忠牒愍報寺文 伏爲祖父侍禁先任沂州穆陵關
巡檢白軍賊結集朋黨驚劫州縣祖父親帥子弟二人
領兵掩殺不幸父子三人戰歿祖母王氏追悼成疾遂
以淪亡時父始三歲蒙朝廷補受三班借職孤苦一身
賴姑收養及長從軍斬馘破敵遂立奇功論賞議功累
遷皇城副使擢任將列年四十歲寢疾而亡痛念祖赤
忠報國徒不得其壽小小不能奉甘旨年十六歲効命
從軍進念先亡奮不顧身力戰二十五年征討一百餘
陣全獲勝捷未嘗敗衄今蒙聖恩擢仕親衛遂竭誠哀
懇上千朝廷乞一看墳寺額庶使奉佛齋僧永作追遠

之計至政和三年八月十五日准尚書省黃牒准御筆
指揮特依所乞賜名愍報寺當使今以錢帛不啻數萬
修建寺宇完全請僧住持朝昏禮念奉香火追薦祖考
外未有常住竊慮經久不能安寂今將本宅地土及房
錢物業撥充本寺爲常住永遠收管謹牒

元

姚文獻公墓在縣北五里九崗之南公號雪齋仕元爲
翰林學士承旨卒於官別兆於此子文忠公附葬焉

張公墓在古城北一里公字子宣其先獲嘉人以子思
明貴贈土騎都尉追封清河伯卒葬於此

蕭公墓在縣東北十五里北王社公諱達遼人元輝州

達魯化赤至元間卒於官葬此

詳名

白僉事墓在縣東十里公韓棟字達隆號素菴太原人至元間爲河南彰德副使卒葬於此

張左丞墓在古城北一里元左丞相諱思明葬此趙孟頫書碑

詳人

耶律相公墓在梅溪西北蘓門之陽元中書令諱楚材字晉卿葬此史稱遷其墳墓而北今故塋止存石馬

明

郭大參墓在縣東南十里孟莊東原公名沆字季昭仕至涼州參政孫徵君爲之傳

孫徵傳採訪

彭子凡墓在蘓門山嘯臺東偏公名之燦字子凡明

縣諸生以孫徵君隱菴門遂來依焉終日不食坐死嘯
臺旁曰得與公和爲隣足矣徵君孫鍾元題其墓曰餓
夫歲久禪壞康熙四十四年知縣范景修墓鏽碑仍用
徵君題誌歲月孝廉孫用正有記道光十四年知縣周
際華重修

國朝

孫徵君墓在夏峯村東原公名奇逢字鍾元康熙十四
年卒葬此門人湯斌等植樹數百株

詳見人物

張子度墓在夏峯北一里許公名果中直隸新城縣白
溝河人左公光斗所選士天啟間與孫奇逢鹿正周旋
在魏周之難天下稱爲三義士

國初流寓燕門卒此魏一鰲題其墓曰白溝遺民

耿誠齋墓在縣東南十里西夏峯北原先生名極空保

汝號誠齋孫淦爲之傳

孫世琮採訪

義塚附

東路

利幽塔卽漏澤園在東關外里許康熙間知縣噶良臣建

東郊義塚地三畝在先農壇東康熙四年生員艾田施東至義塚西至馮祖植南至路北至官溝

石河東岸義塚地二十畝康熙二十九年滑彬捐

俸創置有記

石河東南義塚康熙三十二年糧捕兩衙施東至秦禮
西至程天祥南至路北至路

常村西山邊義塚康熙三十二年常村民張加福施東
至山坡西至郭連興南至郭連興北至焦復寶

古章村北義塚地一畝康熙三十八年生員康子昌施
東至路西至路南至地主北至侯兆成

石河正東義塚地十畝三分八厘乾隆四十二年官置
行糧八畝係官完納

沿村義塚係官荒無施主東至段瑚西至官埂南至山
坡北至段璋

西路

馬家莊南義塚地五畝明萬曆九年馬恩勤施東至路
西至周洪業南至齊昌北至都土乾

前流河村西義塚地一畝明崇禎十三年趙永章祖施
東至路西至地主南至路北至地主

峪河鎮西北義塚地五畝順治十八年光州訓導周念
祖施東至周鳳羽西至周道明南至周朝柱北至路

卓水村北義塚地三畝康熙十五年王天福施東至李
士成西至王省南至地主北至路

高廟莊西義塚地四畝康熙十八年生員李克杞施東
至地主西至張秀南至路北至馬旺

樊家寨義塚地四畝康熙二十一年邑紳王屋爵施東至

地主西至王南至地主北至王

劉家店北義塚地三畝康熙二十年趙先施東西南北俱至柳玉

趙固鎮義塚地一畝五分康熙二十年僉都馬希爵施東至馬學顏西至李希臣南至趙寬北至馬學顏

峪河鎮橋北義塚地一畝康熙二十年何懷平施東至齊獻明西至熊培忠南至周永清北至大路

劉家店北義塚地一畝康熙二十五年趙爾珍施東至王純西至趙先南至趙連北至路

吳村南義塚地三畝康熙三十年李省施東至李爾登西至李發祥南至曹則名北至路

諸邱村西義塚地三畝康熙三十二年李新邦施東至
張維輝西至路南至陳宗朱北至路

壽邱村東義塚地三畝康熙四十年權儒施東至宋得
周西至廟南至路北至廟

趙固鎮西義塚地二畝五分康熙四十五年段顯文施
東至韓世德西至魏南至地主北至路

薄壁鎮東義塚地二畝康熙四十年生員周步青施東
至路西至地主南至地主北至郝家坑

吳村西義塚地二畝康熙四十年閻福儒施東至路西
至修武界南至路北至韓大章

薄壁鎮東義塚地六分康熙四十五年生員王鏡洲

東至路西至地主南至孫北至王

薄盤鎮東義塚地四畝康熙四十五年張堯施東至地主西至路南至路北至路

薄盤鎮東義塚地四畝康熙四十五年張文玉施東至路西至地主南至孫北至孫

褚邱村北義塚地四畝康熙四十五年李經邦施東至李子通西至王順南至圪墘北至徐博

八盤磨北義塚地四分康熙五十年民殷發州施東至地主西至河南至地主北至羅輝祖

冀家屯東南義塚地二畝康熙五十五年孫暉施東至翟村寺地西至王世位南至翟村寺地北至路

吳村南義塚地二畝康熙五十七年李世得施東至曹
柱西至地主南至路北至李純潔

八盤磨北義塚地四分康熙六十年監生羅輝祖施東
至姬西南北俱至地主

卓水村西義塚地二畝康熙六十年趙學趙文施東至
刑文緒西至馬文魁南至地主北至路

石門口義塚地三畝雍正五年張倫施東至石嶺西至
路南至石嶺北至岸

馬棚谷堆義塚地二畝雍正十年馬君錫施東至孫作
哲西至路南至韓成本北至姜文選

郭雷村東義塚地一畝乾隆十年李寡施東至馮起秀

西至張阡南至路北至趙連

薄壁鎮義塚地五畝乾隆十四年監生王希孔施東至
地主西至路南至路北至路

卓水村北義塚地三畝乾隆二十一年周文緒施東至
地主西至路南至地主北至王貴

卓水村北義塚地三畝乾隆二十一年吏員祝昌施東
至地主西至河南北俱至地

吳村北義塚地一畝二八四十八年李霖施道光
元年李蔭榮又加施地八畝地二畝東至路西至地

主南至地主北至

入元

海子村義塚地二畝五十六年監生李霖施

南姚固東...
一...
分道光元年監生趙廷簡施

東至張槐西...
至劉明北至路

趙八元
採訪

九聖營村南...
一...
道光四年監生王克新

施行糧俸施主完納...
至王西至劉南至王北至陳

史
緯

經探
訪

峪河鎮義...
一...
道光十二年貢生周十圖施東至

路西至周南...
北李龍王廟地

小營義塚地...
係自地無施主東至公田西至公田

南至路北至路

早生西北...
地六十畝係官荒無施主東至常標西

至石河南至大路北至公堆

施家莊西義塚地一畝東至路路西至周永清南至路北至周之正

南路

鄭家屯南義塚地四分康熙二十年秦玉施東至路西至路南至王北至地主

梁家村西北義塚地四畝康熙四十年生員李惠施東至宋希聖西至朱南至宋希聖北至堤

花木村義塚地二畝康熙四十五年趙景施東至王全西至路南至蘓輝北至廟

南雲門義塚地二畝康熙六十一年僧廣學施東至艾作舟西至陳得林南至張自榮北至廟

秀才莊義塚地二畝雍正元年馬治施東至路西至河溝南至馬映極北至地主

中曠小營村南義塚地二畝雍正十二年羅鈞施東至柴西至路南北俱至地主

鄭家屯西南義塚地十畝乾隆四十二年趙起河施行糧十畝歸官完納

秀才莊西南義塚地四畝嘉慶八年盧士魁等公施行糧四畝四家分認東至樊西至路南至路北至徐

張家灣義塚地四畝嘉慶十年邑紳王龍圖施東至李西至李南至路北至界石

陳嘉謨採訪

秀才莊南義塚地八分南北長二十一弓一尺東西

九弓一尺道光十四年徐保金施東至魏西至路南至
舊塚北至蘓

北路

漏澤園在縣北二里許東西九十步南北七十步明正
德十年知縣茹圮置

南村北義塚地三畝二分
明萬歷三十四年王來周等
施任文煥
採訪

梅溪村南義塚地一畝係無主地東至石巖西至路南
至李金北至田金

高家莊東北義塚地一畝康熙三年溫虎施東至岸西
至路南至路北至地主

高家莊北義塚地一畝康熙十年王景佐施東至路西至地主南至岸北至地主

沙崗北義塚地七畝康熙十一年崔伏照施東至張台臣西至張殿臣南至地主北至路

孫村東義塚地一畝二分康熙二十一年張維典施東至款受爵西至地主南至地主北至路

南平羅義塚地二畝康熙二十五年丁元吉施東至至法西至牛希文南至徐進禮北至丁元魁

東村西義塚地五畝康熙四十七年劉姓施

任文煥採訪

蘓村東義塚地一畝康熙六十年郭令望施東至岸西至蘓鈞南至地主北至路

柏樹灣村北義塚地一畝道光十年傳培梧施東至路

西南北俱至地主

任文煥
採訪

高莊山神廟前義塚地一畝餘

北冀莊南義塚地十畝東至冀西至劉南至大路北至

王

北冀莊西義塚地八畝東至冀西至郝南至大路北至

荒路

東池頭西南義塚地三畝東至儒崔五倫施東三崔西

至荒南至路北至岸

郭宗板
採訪

李家海義塚地一畝二分嘉慶五年廩貢生李霖施東

西南北俱至地主

趙入元
採訪